

東  
華  
續  
錄

東華續錄

光緒五十四

臣朱壽朋敬編

臣沈彭年恭校

五月庚辰朔涂宗瀛彭祖賢奏准部咨光緒八年八月初二日內開奉 上諭湖南提督鮑超奏四川夔州至湖北宜昌沿江一帶向有救生紅船惟險灘過多紅船尙少遇有覆溺船隻救護不及情形甚慘請添設等語著湖廣總督四川總督湖北巡撫籌撥款項於著名險灘處所酌量添設紅船並飭屬隨時認真救護以保行旅欽此 臣等跪誦之下欽佩莫名伏查川江發源岷山水勢消漲不定山四川夔州歷巫峽而達宜昌亂石橫江險灘林立其在湖北境內者上自巴東縣巫山縣交界之涪石起下至東湖縣之虎牙灘止計程四百餘里每當夏秋汛漲之時驚濤險浪洶湧異常船隻往來每虞覆溺舊設救生紅船無多不敷分布光緒二年四川總督丁寶楨前在山東巡撫任內捐集銀四千兩匯寄到鄂創辦救生船義舉經前兼署督 臣翁同龢札委候補道程以輔會同管帶水師健捷新副中營副將賀緒紳查明該處沿江險灘情形釘造大小紅船十五隻連磚有紅船四隻擺江二隻併入辦理共計船二十一隻分泊著名險灘復歸賀緒紳經理隨時督率救護所需釘造船隻經費及舵工水手工食由宜昌川鹽局在於五

成充餉公費項下就近撥給歷年以來全活人口甚多著有成效欽奉 諭飭前因臣等當即咨會四川

督臣一體欽遵辦理並會同檄委候補道何應鍾管帶水師健捷新副中營總兵賀緒紳周歷各灘勘明形勢何處尙應添設船隻據實稟報旋據覆稱原設紅船分按險灘駐泊輔以礮船柁率彈壓本尙妥協但其中有著名險處如巴東之火燄口石青竹標牛口灘橫梁子歸州之洩灘新灘八斗漩四季湧大小聲冷灘洞灘賈古石東湖之紅石子馬屁股楠木坑等灘尤爲危險須再添設紅船六隻察看水勢之漲落以及灘形之夷險隨時布置愈爲周密因思救生之道不專恃船多而全賴各軍得力備置紅船舵工水手工食太薄難資溫飽請將月支口糧改照水師月餉章程每年發餉十月四十兩月仍發米錢一律酌加給發此項救生船原設二十一隻現添六隻共計二十七隻頃舵水手共勇一百三十七名加以領哨各弁及書識薪水每年共需銀五千七百餘兩又船隻必須堅固方能出入波濤器具尤宜完備援救乃能得力應請每年小修一次計需錢三百三十串文三年大修一次照歲修加倍發給酌議章程稟送核奪等情又經批飭藩臬兩司鹽道會同善後局妥籌核議茲據該司道詳覆以查核實緒紳等所稟各節均屬周妥應請照辦此項紅船舵工水勇口糧准改照水師月餉章程給領連現在添造紅船六隻價值及後歲修經費一併在於宜昌川鹽局五成充餉公費項下就近提支造冊統歸善後局報銷等情詳

請具奏前來臣等覆核無異應如所詳辦理惟此次添造紅船經費由臣宗瀛捐廉發給毋庸動用公款現已撥飭銀給紳估計造船價值需銀若干專弁來省具領一面趕緊購料釘造務於伏汛前造齊分駐險灘隨時認真救護從此大川利涉行舟無覆溺之虞廣被 皇仁普舉收久長之效至巫山縣清石以上江灘添設紅船前准四川督臣丁寶楨開留業經札行司局設法籌款舉行應山川省自行辦理合併陳明下部知之○甲申岑毓英等奏前據藩司唐炯詳請委候選知府卓維芳等採買機器來滇辦理銅廠凡附近省城之東川易門楚雄各處均已遴委官紳分投採辦惟順甯麗江永昌各府屬銅廠因庫存銅本無多本省又鮮殷實紳商故未能一律開辦若機器購來而工本匱乏仍恐耽誤擬仿照直隸開平礦務設立公司湊集股份來滇開辦庶衆擎易舉可期速收實效查有籍隸廣東請假在籍之廣西補用知府張家齊及候選通判關桐春家道殷實辦事勤能請札飭該員招集商股迅速來滇承辦順甯等處銅廠以顧京運等情詳請具奏前來臣等覆查該司所請實於銅務大有裨益除咨兩廣督撫臣並札飭張家齊等遵照外謹會同陳明報聞○丁亥諭御史萬培因奏請疏通六部止途人員各摺片著吏部議奏○毓楨溥恩奏准禮部移咨內稱本部具奏恭照六月初六日 孝貞顯皇后二十七月服闋之辰應於 明樓前行釋服禮致祭在案臣等查此祭應照例用金銀鏤五萬錠紙錢四萬五千張色紙二

羊九隻燒黃酒十三餅連飯桌二十五張讀文致祭眾皆齊集恭代王及執事行禮王公大臣官員均著長袍褂帽摘纓緯應行陳設之畫綴冠服並紙鏤羊酒桌張反坫臺燄牀鋪氍毹蓋氍毹涼棚平臺飛橋黃幄等項均交陵寢各衙門敬謹備辦等因移咨前來伏查應行恭備釋服禮致祭一應事宜既經禮部交奴才等敬謹備辦自應籌畫即為辦理現奉部文相距致祭之期實係較近所有恭備各事宜即飭令承辦司員趕緊按式做成惟是應需之項容俟事竣再行造報核發有需時日須先籌欸以應急需茲查恭備兩次週年致祭一切事宜係遵照隆福寺辦過成案奏請由戶部暫領銀二千兩墊辦一切要差奉旨著照所請該部知道欽此欽遵等因各在案奴才等查現在別無存欸先行墊辦惟有援照恭備兩次週年致祭一切事宜成案擬由戶部暫行請領銀二千兩交該員等將所有事宜併現值夏雨連延恭備一切黃油綢布裏袂氈單均應敬謹妥速辦理仍俟事竣分別造冊咨報各該衙門查核發放其有應由工部核放者即由戶部於應撥工部欸內核算扣抵事關祀典應用急需無欸籌墊謹據案陳明如蒙允准擬請飭下戶部照數發放奴才等即日派員赴部趕緊請領以備應用得旨如所請行○諭御史丁振鐸奏請飭嚴拿惡棍一摺據稱已革給事中張觀準於四月二十八日夜間在南橫街地面被惡棍多人持刀攔截恐嚇將該員圍置車中拉至僻靜地方拷禁勒贖至本月初二日始

行釋放等語。釐設之下，竟有棍徒橫行，藐法已極。該地方官所司何事？著步軍統領衙門順天府五城御史飭屬限緝拿，務獲究辦。倘限滿無獲，卽行嚴參革員張觀準。前有旨勒令回籍，何以尚未出京？著卽勒令迅速回籍，不准再行逗遛。○諭都察院奏江蘇職員王爾珏等呈請永禁，勒充甲長一摺。該職員等所請江陰縣應徵錢糧，勒令甲長分任催追，賠墊苦累等情。著江蘇巡撫查明，如果屬實，卽行永遠禁革，以除弊端。另片奏王爾珏等呈內粘附八條干預地方漕務傳詢出結官余思詒據該員與何彥達赴該衙門聲稱，呈係王爾珏所擬，與何彥達等商遞。王爾珏現在患病，赴通州就醫。陳熙治、吳德培均已出京。閃爍支離，顯有情弊等語。該職員等所呈各條，有無假公濟私情事？著該部卽飭教習王爾珏、郎中何彥達回籍並列名之中，審陳熙治教習吳德培是否與聞，一併由江蘇巡撫傳訊明確。具奏余思詒於陳熙治是否在京並未查詢，率行出結，並於王爾珏等遞呈後不俟具奏，聽其遠出殊屬非是。著交部察議。○辛卯諭巡視中城給事中安祥等奏拿獲要犯，請飭交刑部嚴訊一摺。所有訛詐給事中張觀準案內人犯孫朱氏等三名口及張文溥余之淦、張七並爐房蘇培顯均著交刑部嚴行審訊，按律懲治。未獲各犯仍著步軍統領衙門順天府五城御史一體嚴拿，務獲歸案究辦。張觀準著聽候傳質，一俟質證明確，卽行勒令回籍。○癸巳諭職德奏佐領在協領私宅自戕一摺。據稱本年四月鑲藍旗左領福祿在左翼協

領音登安私宅自戕殞命並俱福祿交甲兵請福遞呈一件取其音登安親供請旨查辦等語案關職官自戕呈訴多欸亟應澈底根究以成信讞著直隸總督派委司道大員前往逐欸詳查據實具奏不得稍涉含混原呈親供著發交該督查照辦理○以欠解捐項革湖南黔捐局勸捐人員知州吳世桂等職○乙未諭軍機大臣等李鴻章著仍遵前旨即回北洋大臣署任籌備一切脫利古現在上海作何動靜李鴻章如定期北來須知照該使如有面議之事俟其到津再行商辦以示羈縻勿絕之意○諭軍機大臣等法越擄兵一事久未定局法使脫利古與李鴻章會晤以中國是否助越為言意在挑釁甚為叵測亟應先事籌防以杜狡謀著會同該將沿海防務實力籌辦認真布置不可虛應故事徒令外人輕視○丙申諭軍機大臣等現在北洋防務緊要著李鴻章仍遵十六日諭旨迅即赴津籌備一切事宜勿稍延緩○諭御史文英等奏領解甲米遲誤請旨懲處一摺本月十六蒙古甲米進城遲至酉刻該旗領解章京並未將領米冊檔造送致該御史等無憑查驗實屬不成事體著該旗查取該章京等職名照例議處並著步軍統領倉場衙門飭令領放各官嗣後米車進城務當遵照定例時刻不准任意遲誤○以熙敬為內閣學士○丁酉大祀 地於 方澤道本格恭代行禮○戊戌諭巡視中城給事中安詳等奏續獲要犯請飭部歸案究辦一摺所有訛詐已革給事中張觀淳案內人犯德蘇氏春吉鄭順劉子厚即魏升廟

三萬二方德滿十張松祿文啟十名口均著交刑部歸案嚴行審訊按律懲辦毋任狡展○庚子以譚仁芳爲陝西延榆綏鎮總兵○諭軍機大臣等法人近爲越南所敗其蓄謀報復自在意中現據李鴻章電稱中國宜添兵增勢等語本日已諭令倪文蔚等添募數營堅守北甯一帶並邊防務同關緊要亟應厚集兵力以壯聲援著岑毓英杜瑞聯督同唐炯就近募募邊民之能耐煙瘴者迅速成營與現有隊伍擇要扼紮如法之援兵到後切不可與之搦戰惟當深溝高壘斷來路嚴密堵守使彼日久計窮或可就我範圍所需餉項著丁寶楨於每年撥款外無論何款自行撥解銀二十萬兩以濟要需現在餉項支絀因事機緊要特予添撥岑毓英等務當妥爲籌辦力求實濟不得稍涉虛糜○壬寅湖廣總督涂宗瀛因病奏請開缺允之○以下寶第署理湖廣總督潘鼎新署理湖廣巡撫○甲辰以賴鎮邊爲廣東瓊州鎮總兵○諭本日引見之已革兵部左侍郎胡瑞瀾著以四品京堂用已革安徽布政使傅慶貽著以道員用○色楞額等奏前藏地方每年於正月初間起至三月初間止商上僧俗番官頭目人等均於大小招內熬茶佈施諷經祈福是時各寺院喇嘛以及外來瞻禮僧俗雲集前藏不下數萬萬萬不齊向由商上揀派正副鐵棒喇嘛二人管轄以資約束當撥招期內地一切事宜統歸鐵棒喇嘛管理番官等不得與聞此係藏中向來定章相沿已久本年三月初一日撥招將畢適有喇嘛數人與巴勒布商民因購買



貨物致滋口角經總樺喇嘛前往彈壓尙未了息時值昏夜正在開導間忽有喇嘛多人聞風而至附和滋事有將該商民住屋門窗擊毀者有乘間攘奪該商民財物者奴才等聞信之下立即傳諭羣辦商上事務通晉濟囉呼圖克圖等迅往彈壓解散勿令釀成巨端其滋事僧衆始行陸續星散查驗巴勒布商民幸無傷損惟貨財多有遺失奴才等竊思藏中巴勒布貿易商民係廓爾喀國所屬部落向由該國王揀派噶八丹一員駐藏管束今與喇嘛口角細故猝不及防致遭蹂躪情殊可憫當經奴才等飭傳該噶八丹來署指廉賈給令查明巴勒布遭害之家分別輕重量予賑恤並令各守生業勿懷疑懼伏查咸豐年間廓爾喀興兵侵犯藏境前駐藏大臣赫特賀等督師查辦旋即罷兵議和立約十條各相遵守合同內載有廓爾喀商人百姓財物被唐古忒百姓搶劫者唐古忒之官查明將財物退還廓爾喀失主如行劫之人將財物一時不能歸給者唐古忒之官勒限退還等語前經赫特賀滿慶等奏明在案奴才等現在督飭羣辦商上事務通晉濟囉呼圖克圖及噶布倫等查照從前條約妥爲設法籌辦了結以息爭端而睦鄰國至此次起事之由竊因總樺喇嘛不能約束僧衆致肇釁端容俟詳細查明如何辦理完結再行奏聞得旨覽奏已悉卽著督飭通晉濟囉呼圖克圖等查照條約束公妥辦以息爭端總樺喇嘛不能約束僧衆致滋事端並著查明辦理一併詳細具奏○戊申奕綜等奏光緒八年七月二十三日奉

上諭御史陳啟泰奏太常寺卿周瑞清包攬雲南報銷經該省糧道在尊縣承昌府知府潘英章來京  
隨兌銀兩賄託關說等語潘英章係潘祖蔭確切查明據實具奏欽此當經奏請飭提在尊縣潘英章  
案審訊一面起獲天順祥乾盛亨兩票號帳簿並將該號商人王敬臣周時燦及戶部書吏褚世亨張瀾  
吳慶林工部書吏張兆鴻等傳提到案正在查辦間據御史洪良品給事中鄧承修以此案牽涉樞臣景  
廉王文韶先後奏參奉旨俟程尊縣潘英章到案後著派懷惇親王翁同龢會同查辦等因欽此遵即提  
訊周瑞清供有過付銀兩戶部書南司主稿主事孫家穆供有收受津貼各情事旋因在尊縣據報病故  
潘英章延不到案節次奏請將周瑞清孫家穆潘英章革職並經都察院將牽涉之御史李郁華參革經  
臣麟書等將戶部司員松安等工部司員福志傳案飭遞親供並以該省此次各款應否准銷潘英章等  
來京承辦此事是否該督撫派委其匯款由何項動支奏請分別飭查旋據戶工兩部聲明均非不應銷  
之款該省督撫查明潘英章等係引見來京其所齎銀兩並非庫款是否捐款平餘抑有該員私項在  
內俟潘英章等到部質訊便可水落石出等因擬奏九年正月間臣潘祖蔭丁憂開缺奉旨著派張之  
萬會同審辦欽此復經訊出該司掣印員外郎福趾有分受津貼情事將該員並覈合之龍繼棟奏請革  
職並將該司主事周頌禧澄寶傳訊二月二十五日據該省督撫派員將潘英章解部當即奏聞並知

照悼親王翁同龢派員會訊復先後奉 旨著派閩敬銘薛允升會同查辦欽此各在案 臣等遵派司員  
檢查兩號帳簿並百川通崇據糧絲由雲南兌京共京平松江銀十八萬五千兩此外尚有借用天順  
祥銀二萬八千兩共計銀二十一萬三千兩訊據潘英章供伊等由雲南匯京各款內糧絲備用報銷  
津貼銀兩只十萬七千六百兩糧絲私項三萬二千兩潘英章私項一萬兩又代該省同知鄧家榮等  
二十餘人匯京銀三萬五千四百兩共銀七萬七千四百兩並非公項伊到京商定報銷津貼銀八萬兩  
先過付五萬兩未過付三萬兩餘款二萬七千六百兩係糧絲私自使用另借銀二萬八千兩係糧絲  
絲因私項不敷向天順祥挪借並非報銷用款等語復查兩票號隨項內各有銀六萬七千兩款曰其爲  
卽御史陳啟泰所稱十三萬之款據潘英章供出津貼銀兩已過付五萬兩未過付三萬兩亦與洪良品  
所稱八萬了結之語相符復飭該司員嚴加審訊據潘英章供伊與糧絲同省服官周瑞清世交相好  
龍繼棟原係伊署幕友伊在知縣任內曾經借用龍繼棟房價抵還交代李郁華曾放雲南試差來滇伊  
因係湖南同鄉彼此拜往接續係督後局總辦雲南自同治十三年以後一切收支各款均未報銷經  
督撫飭催該局造冊咨部糧絲恐部中書吏刁難勒索因與周瑞清均係熟人趁伊補承臬府進京引  
見之便商令至京找向周瑞清轉託戶部司員交辦較爲省便糧絲亦擬來京引 見當向天順祥

乾順亨並百川通各票號先後將公私銀兩並代鄧家榮等匯京之款一併由崔尊韓兌交編列福裕恆等字號名目囑令該鋪開票記帳各款均俟伊等到京取用伊於光緒七年九月間到京因天順祥係新設票號銀票行使不開而允周瑞清代換百川通票花用並將崔尊韓託辦等情向周瑞清談及周瑞清辭不願管伊再三央允嗣伊探知戶部雲南司係孫家穆主稿派辦處亦係總辦龍繼棟係孫家穆同司商同周瑞清找向龍繼棟轉向孫家穆說合連兵工兩部共計津貼銀八萬兩約定先在周瑞清家過付五萬兩俟全案奏結後再由崔尊韓另交三萬兩分付各處李郁華詢及報銷如何辦理伊回稱託周瑞清商辦又因李郁華先已知情不敢冷落時相過從並將崔尊韓託買之物交李郁華置辦八年五月間崔尊韓抵京其時戶部報銷核准撥奏兵部以未經造冊議駁工部議准未經會奏全案未結伊將原存銀三萬兩交崔尊韓收存崔尊韓言俟該省撥奏到日再行議辦此款暫存票號伊將崔尊韓私項連借項交訖又將鄧家榮等匯京之款分別用出伊私項一萬兩內還給龍繼棟房價銀本利五千兩又因在龍宅養病送給飯食銀並龍繼棟母親壽禮共銀四百兩餘俱陸續花用崔尊韓隨交公項除津貼存用八萬兩外餘二萬七千六百兩伊代崔尊韓買物用銀九千四百六十五兩二錢六分交崔尊韓自行買物銀一萬五千八百二十九兩經伊送給龍繼棟酬謝銀二百兩李郁華收用買物餘銀四百兩因盤費

不足經孫家穆將餘銀一千七百餘兩借給伊卽出京回滇行抵平彝縣境聞此案經御史指參奉旨提訊並聞孫家穆中途病故遵卽回滇聽候解案於九年二月二十五日抵京等語據周瑞清供伊與孫尊輝潘英章均世交相好潘英章自雲南來京據稱孫尊輝現辦報銷託伊從中安置以免部吏需索先乞允許嗣潘英章聲稱孫家穆在雲南司主稿龍繼棟與孫家穆同司隨託龍繼棟向孫家穆說明津貼公費八萬兩潘英章先交銀五萬兩伊付給孫家穆銀四萬五千兩餘五千兩潘英章囑伊暫存俟兩部議准後再行過付其餘三萬兩言明全案奏結後山孫尊輝自行交付李郁華向伊探問報銷情事伊謊稱係龍繼棟經手並未告知實情伊實未分用銀兩等語龍繼棟供雲南報銷一案伊聽從周瑞清託孫家穆交辦由周瑞清過付孫家穆銀四萬五千兩內有備存津貼兵部書吏六千兩一款經兵部議駁未用孫家穆於七月間交伊退還潘英章並未動用潘英章曾借伊房價銀兩計共本利五千兩經潘英章到京送還並在伊宅養病送給伊飯食銀及伊母壽禮銀四百兩潘英章將銀二千兩託伊買物餘銀二百兩潘英章於出京時送給作爲酬謝李郁華曾向問及雲南報銷伊稱係孫家穆經手並未告知詳細等語李郁華供伊前放試差到滇因與潘英章同鄉彼此拜往光緒七年秋間接到雲南伊戚邱菊卿來信云有銀信託潘英章由天順祥兌交彼時卽聞雲南有報銷情事隨向天順祥掌櫃人王敬臣訪問潘

英章來京有無辦理報銷信息王敬臣均推不知九月間潘英章將銀信帶交伊向詢此事據稱現託周瑞清龍繼棟商辦及問之周瑞清等均稱不知詳細八年五月間伊又向孫家穆探問報銷情形據稱公事係照例辦理嗣後伊卽再未詢及潘英章與伊時相過從並交伊銀二千餘兩託買參茸等物餘銀四百兩伊至好挪用潘英章旋經出京將此銀送給伊得受潘英章賄遺屬實委無同辦報銷情事據孫家穆供伊在戶部雲南司主稿兼派辦處總辦龍繼棟託伊核辦報銷並言明津貼銀八萬兩至四月初間先在周瑞清宅過付銀四萬五千兩伊於過付項下分受津貼七千兩提存四千兩歸入本司飯銀公用同司主事崔澄寰周頌向伊挪借銀兩將此款借給並未告知係報銷之款又分給本司書吏張瀛等銀一萬兩並令張瀛給派辦處在逃書吏沈鴻年陳瑞軒銀九千兩給工部書吏銀五千兩僅存兵部書吏銀六千兩五月間奏准後掌印福趾向伊分給銀四千兩其餘備存津貼均因全案未結周瑞清崔等未經交付據福趾供伊在戶部雲南司掌印雲南報銷一案經同司主事孫家穆主稿與伊一同核定帶押孫家穆收受津貼銀兩伊先不知情迨五月間奏結後外間傳言此案報銷確有本司津貼飯銀爲數不少伊暗中查訪孫家穆料難隱瞞卽向告知情由並分給銀四千兩等語據張瀛供伊與同司書吏褚世亨吳慶林在逃書吏盧良駒各分用津貼銀二千兩在逃書吏王鑑分用銀一千五百兩下餘銀

五百兩歸飯食公用又經伊付給工部書吏周仁溥報銷津貼銀五千兩周仁溥自用二千五百兩交給同司書吏張兆鴻餘歸飯食公用等語質之崔澄質周頌及書吏褚世亨吳慶林等供亦相同此累月以來審訊此案之大概情形也臣等伏查周瑞清以三品正卿輒代潘英章等過付報銷津貼且有潘英章交伊備存銀五千兩據供並未受贓殊難憑信請據周瑞清供伊與崔尊慈先未謀面伊姪周祚思赴雲南投効與崔尊慈同營當差後抱病在滇均係崔尊慈照應心甚感激伊放江南試差取中舉人崔應科係崔尊慈堂弟因此通信認為世交平時亦常有接濟此次託辦報銷實係礙於情面未能推却答無可辭委無得贓情事伊備存之款實係未用津貼等語質之潘英章據供兵部議駁後經崔尊慈兩催該省速即造冊具奏俟覆奏到日仍託原經手人辦理是以未將存款取回等語是周瑞清所供並未受贓各情尙屬可信又李郁華於報銷一案屢次查詢並經潘英章送給銀兩據供並未商同說合似不近情復據周瑞清同龍繼棟供伊等稔知李郁華爲人雖與共事是以報銷事件未與商辦潘英章因其早已知情慮恐挾嫌舉發以故設法賂賂並送給銀兩與報銷無干是李郁華所供未辦報銷等情亦屬可信又查崔尊慈與潘英章用款甚鉅安知非侵吞公項捏作私項以爲營私地步復據大順祥商人王敬臣鋪夥陳作霖帥大山僉供伊號隨京實有崔尊慈私項三萬二千兩在內伊到案即行供明並繕具清單呈

固不敢扶同捏飾並據潘英章供稱尊慈由捐納郎中保舉知府到省將升道員歷署藩司官況甚好是以資斧較豐因先經被人等劾逆料在滇服官不久將靈柩十三口並全家帶去在滇無人所有私蓄不計不一併隨京係革員素所深知至革員代鄧家榮等匯京三萬五千餘兩均有本人及票號帳簿可查革員萬里來京又有宿欠五千餘兩不得不稍籌資斧等語是潘英章所供伊等私項委無官項尙非無據又查在尊慈用款除私項三萬二千兩並公項二萬七千六百兩復借用天順祥二萬八千兩在尊慈以道員來京不應費用如此之多復訊據潘英章供稱尊慈素性浮華用度揮霍其將靈柩各屬帶出沿途有小隊數十名護送到京後又將銀兩寄給其弟孫子琴將寄停荊州靈柩扶回原籍安葬自己帶同眷屬先至涿州爲兒女議親後到京居住多購服物玩好商賈不絕於門是以費用浩大迨由京回南川資必鉅亦可想見且查尊慈到京後在五月中旬五月以前用款內如革員代爲買物各項有各舖供詞帳單可據稱尊慈自行買物之款有天順祥舖夥查出帳單爲憑革員於五月間出京在尊慈向該號取銀大半在六七月間其餘款作何使用伊實不知情等語飭查在尊慈用款內有三萬餘兩無可稽考所有各舖發票訊據王敬臣供該舖認票不認人取銀人姓名不能詳記印票註有字號姓氏等項由錢舖爐房轉手多家先後次序模糊亦難挨戶查究各等語此又因款項甚鉅詳加追究之實在情形也以上



各情均經反覆研究供俱相同等復親提詳鞫亦無異詞竊維此案究竟官項銀兩爲數若干未據雲南督撫切實聲明第就潘英章等所供各情與該票號帳目所載詳細勾稽亦不致大相懸殊云云該花用銀數置買貨物各項均有實據外其餘三萬七千零五十兩九錢九分究竟作何使用不特並無記載卽質之潘英章等亦不能指出確據惟既查明係屬私欸與報銷官項無干糧寧縣業經病故亦復無從查考其使用之二萬五千二百九十四兩二錢六分訊明確係官欸除將該員借欸票存未用撥還二千零七十九兩外其餘仍由糧寧縣名下著追所有孫家穆分用銀七千兩及提歸飯銀並崔澄源等借項銀四千兩福趾分用銀四千兩周瑞清備存津貼銀五千兩龍繼棟備存津貼銀六千兩並潘英章酬謝銀二百兩潘英章借用公項銀一千六百零五兩七錢四分張瀛緒世亨吳慶林張兆鴻分用津貼銀共八千兩張瀛緒世亨吳慶林各應攤繳公用飯銀共三百兩張兆鴻攤繳二百五十兩糧寧縣存放天順祥乾盛亨未用津貼銀三萬兩李郁華得受餞遺銀四百兩王敬臣交出崔寧縣借欸未取銀一千零七十九兩共京平松江銀六萬八千九百三十四兩七錢四分查對帳簿平色相符現均一律完繳在逃之沈鴻年陳瑞軒共分用銀九千兩盧良駒分用銀二千兩王鑑分用銀一千五百兩盧良駒王鑑各應攤繳公用飯銀共二百兩病故之周仁溥分用銀二千五百兩並應攤繳二萬五千兩均未完繳經步軍統

領衙門將沈鴻年房產查封除飭坊變價備抵外各該犯未交銀共一萬五千四百五十兩應於伊等家屬名下著追贖次飭傳沈鴻年等據報弋獲無期應卽擬結查律載官吏因事受財不枉法按贓折半科罪有祿人一百二十兩以上絞無祿人一百二十兩以上罪止杖一百流三千里又例載以財行求及說事過錢者計所與之贓與受財人同科有祿人概不減等無祿人各減一等爲從有祿人聽減一等又律載事後受財不枉斷者准不枉法論又律載准不枉法論罪止流三千里又官吏非因事而受人財坐贓致罪各主者通算折半科罪又風憲官吏受財加其餘官吏二等又例載不枉法准不枉法等贓一年限內全完死罪減二等發落流徒以下免罪又律載不應爲而爲事理重者杖八十各等語此案已革戶部雲南司主事孫家穆在司主稿宜如何潔己奉公乃因核辦該省報銷得受贓銀七千兩入己雖據查明均係應銷之款於法無枉究屬貪婪不職按有祿人不枉法贓一百二十兩以上罪應擬絞現據該革員將贓完繳若照一年限內全完例減死罪二等未免輕縱孫家穆應於完贓減等擬徒三年例上加一等擬杖一百流二千里已革太常寺卿周瑞清雖無包攬報銷及分贓情事惟以三品正卿入直樞垣輒敢商令龍繼棟向孫家穆說合並由伊過付銀兩實屬荒謬受財人孫家穆業經於完贓減二等罪上均加一等擬流周瑞清合依說事過錢爲首受財人同科例擬杖一百流二千里均從重發往黑龍江効力

贖罪周瑞清據供母老丁單不准留養已革員外郎福趾於賄辦報銷一節先不知情事後分用津貼銀四千兩按照事後受財往准不在法論計贓一百二十兩以上罪應杖一百流三千里已革知府潘英章聽從孫毓來京賄辦報銷明知孫毓使用公款輒向借銀一千七百餘兩准監守自盜論亦罪應流三千里已革主事龍繼棟聽從周瑞清說合過付罪應擬以滿徒事後得受酬謝銀二百兩按坐贓計罪僅徒一年仍應照本例擬徒三年已革御史李郁華雖未同辦報銷惟身任風憲輒向各處探問報銷諸事致人疑畏又甘爲代買物件因得賸餘銀四百兩按坐贓折半科罪二百兩徒一年半律上加二等罪應徒二年半該員等於未結案之先將所得各贓照數完繳例應均予免罪惟案情較重孫家穆周瑞清既經從重定擬該員等未便寬予全免福趾潘英章應於孫家穆周瑞清流罪上酌減一等擬杖一百徒三年龍繼棟應於本罪上減一等擬杖九十徒二年半李郁華應於本罪上減一等擬杖八十徒二年均係職官應發往軍臺効力贖罪以上各員應得罪名仍照律請 旨定奪降調主事崔澄寶周頌向孫家穆借用銀兩雖供稱祇知係屬本司飯銀現已照數歸還惟究係報銷之款未便因其業經降調遽予免議致與隨同書稿之彭廷曦等無所區別應請 旨卽行革職雲南司隨同書稿之主事彭廷曦員外郎卞寶楨派辦處員外郎松安郎中濟瑞員外郎余九穀郎中博明主事文琦郎中李希蓮員外郎廷雍主

事徐樹鈞訊不知情前經予以處分應免置議戶部書吏褚世亨張瀛吳慶林工部書吏張兆鴻承辦報銷各分受銀二千兩照無祿人不枉法贓一百二十兩以上罪應擬流雖據該犯等將贓完繳惟此案報銷係因畏懼書吏需索輾轉託司員交辦以致釀成巨案且爲數至鉅千累萬與尋常得受贓物之案情節迥異應不准免罪褚世亨張瀛吳慶林張兆鴻應照無祿人不枉法贓一百二十兩以上杖一百流三千里律擬杖一百流三千里褚世亨等據供親老丁單均不准留養應卽札交順天府定地發配到配折責安置天順祥商人監生王敬臣乾盛亨商人和政司理問閻時燦於雲南報銷事件僅止知情並未同辦惟此案津貼銀兩均係不應經手之款王敬臣閻時燦合依不應爲而爲事理重責杖八十律各擬杖八十仍照律納贖在案辦報銷並使用公項二萬三千二百十五兩二錢六分雖經據報病故仍應請旨革職使用之銀著該原籍督撫於伊家屬名下著追如不完繳卽行查抄所有寄放銀票作爲廢紙無用書吏周仁溥業已病故應與訊不知情之百川通商人閻正卿及各該號鋪夥陳作霖等均毋庸議無干省釋周仁溥所分贓銀仍飭傳該家屬著追在逃之沈鴻年陳瑞軒盧良駒王鑑等緝獲另結陳瑞軒等所分銀兩仍著該管地方官於各該犯家屬名下著追完不足數一併查抄孫家穆等繳案贓銀飭坊解交戶部取其批回存案所有沈鴻年查封房產於飭坊變價後連調到銷冊一併解交戶部辦理

程尊慈借用該銀號之款除現存餘銀二千餘兩業經追出入官外其他借款著王敬臣自行清理起出帳簿分別存案發還失察書吏受贓除戶部司員業經分別擬罪議處戶部堂官另片奏請外應請 旨將工部堂司各官查取職名交部分別議處並照原帳簿詳細分開官私各項銀數清單四件恭呈 御覽又奏臣等查御史洪良品奏請罷斥舞弊樞臣一摺先經臣奕訢臣翁同龢遵 旨詳詢洪良品據實覆奏奉 旨此案必須循尊慈藉端英章到案與周瑞清及戶部承辦司員及書吏就商當面質對席案情虛實不難立見等因嗣經給事中鄧承修奏參樞臣被劾無據事實有因等情奉 旨著派溥儀親王翁同龢會同查辦等因在案光緒九年二月二十五日潘英章解送到部臣等遵即會同將潘英章周瑞清及戶部司員書吏提集一面查照洪良品說帖內關說賄託各節逐層研究據周瑞清供伊係軍機章京入直十有餘年該處承辦事件向在公所面呈堂官核定從不至私宅回事雲南報銷一案伊與潘英章託龍繼棟向承辦司員商辦係實有其事並未向堂官關說據潘英章供伊隨京報銷一款內中已付過五萬兩未過付三萬兩係津貼該部承辦司員及經手書吏並無分送景廉王文韶鉅萬之款據孫家穆供本部堂官委無分用此款情事各等語又承辦書吏及各該號商均供並不知情復將天順祥乾盛亨兩號帳簿詳加考核並無潘英章等賄送景廉王文韶之款等再四研詰各處查對所有科道原參

樞臣報銷案內各節委實查無其事惟各省動用錢糧軍需報銷與年例奏銷判然兩事該省因軍務倥傯將兩項籠統報銷原屬權宜辦法現在軍務已平自不應仍前併案辦理該尙書等未經查出實屬疏忽且於司員孫家穆等並保列 京察一等之員外郎福趾得受不枉法職均無覺察亦難辭咎應請

旨將景廉王文韶並各該堂官均查取職名分 戶部議處又奏御史陳啟泰奏參雲南督撫斯道道府朦辦報銷一節據查該省督撫奏稱在尊縣等均係照例引 見並非派辦報銷亦無囑令賄託之事該省捐款平餘均歸各局作為外銷公用現在捐局久經裁撤無從清查是否此項及多寡之數抑係該員私項須訊明在尊縣等方可得實等語查據吏部覆稱在尊縣係由現任糧道保列卓吳潘英章係由安平同知升補永昌府知府均係照例送部引 見該督撫所稱並非派辦報銷尙屬可信至捐局平餘雖與正款錢糧不同究係官項不應漫無稽考且以各局公用外銷之款經在尊縣挪移動用至十餘萬兩之多該局主守官吏豈得諉為不知如果確切查詢何至多寡並無實數乃該前任總督劉長佑巡撫杜瑞聯平日於官項出入一無查考任聽屬員挪用復將劣跡昭著之道員在尊縣保列卓吳至在尊縣及已革知府潘英章賄辦報銷事先未能覺察迨發覺以後總督岑毓英巡撫杜瑞聯又未將伊挪用銀兩查明實數具奏在尊縣且有使用公項情事應請 旨將前任雲貴總督劉長佑現任總督岑毓英巡撫

杜瑞聯交部分別照例議處 上諭前據御史陳啟泰奏太常寺卿周瑞清包庇雲南報銷該省糧道崔

偉赫永昌府知府潘英章同來京賄託復據御史洪良品給事中鄧承修奏以此案牽涉景廉王文韶先

後降旨派惲親王圖敬銘潘祖蔭張之萬麟書翁同龢薛允升會同查辦茲據惲親王等奏查明收受津

貼及說事過錢各官吏完繳贓款仍分別從重定擬請將失察之戶部堂官及工部堂司各官雲南督撫

交部分別議處各摺片並將款目開單呈覽此案崔偉赫承辦雲南報銷潘英章輒為代託周瑞清轉囑

龍繼棟向孫家穆說明津貼公費銀八萬兩司員書吏得受銀數多寡不等雖經該部覆核所報均係應

銷之款惟輾轉賄託數至盈千累萬官吏通同朋分入己情節較重自應從嚴懲辦已革戶部主事孫家

穆以主稿司員得銀七千兩之多實屬貪婪不職已革太常寺卿周瑞清雖無包庇報銷及分贓情事惟

以三品大員輒商同說合過付銀兩實屬荒謬孫家穆周瑞清均著發往黑龍江効力贖罪周瑞清據報

母老丁單著不准留養已革戶部員外郎福趾於賄辦報銷先不知情事後分用銀四千兩已革知府潘

英章聽從賄託明知崔偉赫使用公款輒向借銀一千七百餘兩已革戶部主事龍繼棟聽從周瑞清說

合過付事後並得受酬謝銀二百兩已革御史李郁華雖未同辦報銷惟身任風憲官輒向各處探問報

銷諸事致人疑畏又甘為潘英章代買物件因得餘賸銀四百兩福趾潘英章龍繼棟李郁華均著發往

軍臺効力贖罪降調戶部主事汪澄寶周頌向孫家樞借用銀兩現已歸還惟究係報銷之數查澄寶周頌均著卽行革職得贓之書吏褚世亨張瀛吳慶林張兆鴻均著杖一百流三千里已革雲南糧道汪尊經使用公款二萬三千二百餘兩雖已病故仍著革職著落該故員家屬完繳至此案牽涉景廉王文韶一節現經訊明潘英章周瑞清及戶部司員書吏均稱實無關說饋送及分用此款情事詳核號商帳簿亦無潘英章等饋送之款惟現在軍務已平該省軍需報銷與年例奏銷仍前併案辦理該尚書等未經查出實屬疏忽且於司員孫家樞等並保列一等之員外郎聯趾得贓均無覺察亦難辭咎景廉王文韶及戶部堂官並失察書吏受贓之工部堂司各官均著查取職名交部分別議處在案竊挪移官項至十萬餘兩之多該督撫毫無查考復將該革員保列卓異竊竊潘英章前辦報銷事先未能覺查發覺後又未將挪用銀兩查明實數具奏均屬咎有應得劉長佑岑毓英杜瑞聯均著交部分別照例議處餘依議○原任兵部尚書志和卒賜卹如例

六月庚戌會國荃奏等於光緒九年五月十七日承准軍機大臣密寄九年四月二十四日奉 上諭法人攻破越之南定後現在局勢未定必須演粵兵勢互相聯絡方足以壯聲威吳全美所帶輪船水師前經駛回虎門著會國荃裕寬督飭將各輪船趕緊修竣仍令該提督駛近越南洋面認真巡防嚴環一



帶兵力單弱總兵方燿帶兵向橫勇往如令統帶數營前往扼紮是否相宜並著悉心酌度奏明辦理等因欽此仰見 聖謨廣運訓示周詳下懷莫名欽佩查署廣東水師提督吳全美所帶舟師上年十一月間接到總理衙門來函令將粵省水陸防軍酌量退紮當經咨會該提督統帶各船駛回虎門暫行屯駐嗣因粵省各船機器多有鏽壞必須燂洗修葺方能赴防 臣等恭摺奏明在案本年五月初間接到署北洋通商大臣李鴻章電音囑飭吳全美會同丁汝昌前赴廉州洋面查探情形五月初三日吳全美乘坐輪船抵香港初六日即會丁汝昌駛抵廉洋在於欽州之白龍尾及越南之江平等處海口察看形勢丁汝昌回上海吳全美仍回虎門 臣等先已飭催各輪船併工修葺而令吳全美將可以起碇之船料理啟行赴防此布置廉瓊洋面之情形也至於陸路之欽州與越南廣安接壤上年派黃得勝勁勇兩營駐紮隘口去冬總理衙門有飭令東粵防軍暫行退紮之信適值高州會匪滋事須勇彈壓 臣等檄調此起勇丁移駐高州當經陳明在案本年五月間據廉州府稟報欽州邊外有越南土匪乘機竊發深恐窺伺邊境 臣等一面飭署欽州參將莫晉昌就近募勇二百名先行扼要防堵一面飛檄黃得勝統率所部勁勇兩營馳回欽州據守要隘五月十七日欽奉 寄諭 臣等面商方燿豫先籌備潮州應辦事宜以便帶勇防邊嗣接李鴻章電信商令提督吳全美酌帶兵船巡防或再奏調閩省兵輪兩號陸續前往廉瓊洋面

巡扼我師不出粵洋界限彼亦不致阻難並構探聞越之廣安省城又爲法兵踞須多撥陸兵數營進紮欽州自固邊境等語與臣等迭次欽奉 諭旨連日會商籌辦事理意見相同當即咨會提督吳全美先帶粵省安瀾輪船一號連上年原調閩廠之濟安飛雲輪船兩號尅日前往第所帶輪船太少聲勢較單閩省之船前已調來兩艘目下閩亦籌防未便再行請調查粵海關緝私之蓬洲海輪船船身較大機器靈敏堪以行駛洋面商之監督臣崇光允許借撥此船交該提督帶赴廉瓊洋面昨准該提督咨稱前隊五月二十八日起程二隊六月初二日繼進其餘修理各船一俟工竣陸續前往以厚水面之聲勢至於欽州之陸軍黃得勝兩營兵力過單必須添撥勁旅遵查署潮州鎮總兵方耀久歷戎行素稱勇敢實是獨當一面之才此次欽奉 寄諭臣等悉心酌度當經行文該總兵迅速挑募老勇三營帶卽星夜馳赴欽州邊境扼紮卽黃得勝兩營亦歸該鎮節制調遣統計已有五營之數可與吳全美廉瓊水師互作聲援惟潮州地面五方雜處極關緊要未便過於空虛仍飭現署潮州城守營都司方濂接帶方耀兩營勇丁駐潮彈壓以免顧彼失此之虞此粵東水陸防軍分別布置之情形也廣西關外防務藩司徐延旭現已遵 旨屯駐關外一切進止機宜撫臣倪文蔚與該藩司自必妥爲布置惟西省餉需文絀軍火不敷上年臣等業已飭司籌解協餉銀一萬兩昨准該撫咨請接濟又經飭司在於運庫籌撥銀一萬兩給

該省來員領解回西所需軍火昨准倪文蔚函請飭購若待逐一採買未免久需時日經飭督後總局將廣東上年購存之快鎗二千枝藥袋二千副鎗碼子二十萬出銅火箭三百枝先行撥交委員解赴西省以應急需此項價值約銀萬五千兩有奇將來卽作協餉劃扣此東省籌濟西省餉項軍火之情形也竊念粵東地處海濱民情浮動平日地方無事尚堪差謬滋當此海疆有事之秋防範不容稍懈等惟有兢業自持豫先設備並查署南韶連鎮總兵鄧紹忠饒有勇略於北江一帶民情最能固結又記名總兵鄧安邦在廣州府各屬緝捕多年紀往嚴明兵民悅服等語飭該總兵等督率所部兵勇勤加操演陣法密地聯絡紳民認真團練平日則防範周密以靖民心有事則衆志交孚藉資捍禦大約臨警之際號召能戰之師不出浹辰可集萬衆護衛省垣要地特以粵東華洋逼處事關中外交涉易滋浮議恐肇衅隙等每於一切防務均係密地籌辦不敢稍涉張揚致啟外人之疑史未敢瑣屑具奏上諭宸聰論者竊謂辦理海防最要莫如添購大號輪船及泰西新式之水雷鎗礮以資戰守然默觀東粵近年情形庫空如洗支絀異常此時欲議購辦非惟力有未遑抑且緩不濟急等悉心規畫竭力圖維祇能就現有及新添之兵力以固圉而防邊結附近與北江之民心以安良而除盜既不敢稍存畏葸亦不敢遇事張皇總期戰衅不自我開而地方亦不滋生他患仰副我 聖朝軫念海疆之至意得 旨覽奏已悉

該省水陸防務均關緊要仍著曾國荃等督飭各軍妥籌布置毋稍疏虞○諭游百川陳士杰奏黃汛盛漲漫溢歷城等處隄工現籌撫恤一摺據稱五月十八至二十三等日黃水驟漲激異常齊東利津歷城等處民念漫溢決口二三百丈至數十丈不等齊河濟陽惠民等縣隄工亦均岌岌可危現在趕緊查勘設法賑撫等語山東歷城等處上年水災甚重民間苦情形朝廷實深軫念茲復猝遭黃水災黎徧野游析離居寔奏實深憫惻著游百川陳士杰迅速寬籌賑項查明各屬被水輕重分別認真撫恤毋任一夫失所各處決口並著相機趕緊堵築毋稍遲延○游鯨奏上於光緒八年十二月二十二日承准軍機大臣字寄十二月初四日奉 上諭兵部奏請撤裁各省防勇確核兵額以節餉需一摺等因欽此具見 皇上軫念時艱圖維久遠之至意查江省水陸防勇經前撫臣劉坤一劉秉璋迭次裁汰僅存七千八百餘員名分布險要之地十餘處較之他省已屬減少且九江湖口爲全省咽喉之所袁贛等處爲上游扼塞之區所在皆關緊要現在湘鄂閩粵毗連邊徼曾匪不時蠢動遠餉銷兵轉戢戎心本屬無可裁減惟臣與藩司邊寶泉悉心酌度非特部臣統籌全局度支竭蹶卽江省歲需餉項猶須四十餘萬加以協餉賴仍司庫入不敷出每年已知絀甚鉅今春臣以民生凋敝奏請裁免米穀釐金蒙 恩允准餉源愈絀年復一年實有不支之勢且防勇屯紮已久亦將變爲羸弱援例各營勇去其太甚因議水師礮船

每船減去勇丁二名或四名各陸勇每哨減去十名或二十名以勇之多寡爲衡其有營務廢弛或駐紮有可省併者亦卽撤去其各營薪糧器械羨卒長夫量加核減另定畫一章程以圖撙節已先後檄行限期遵辦俟各營稟覆到齊再將節省確數詳悉具陳此臣酌裁水陸防勇之情形也又查江省額設制兵一萬一千九百八十四名分隸省城九江贛州各標各營人數不一前撫王劉坤一以制兵漸就衰疲作爲練軍且慮加餉易減餉難因議爲抽練則加餉歸伍卽停支亦復國維再三出此據要之策然輪流抽調非特耗費甚鉅卽每歲僕僕征途兵心亦復不願且長年訓練精壯遠行本汛轉覺空虛日久弊生冒名僱替皆非正身前直隸督臣曾國藩條陳練軍事宜有兵止一名人已三變之議係指征調而言乃現僅抽練已有此弊因飭本標選鋒營照舊操練所有外屬各營一律調回汛地以節津貼而重駐防此臣酌裁練軍之情形也現在總核水陸防勇僅止數千制兵雖有萬數然分設汛地亦屬無多且向無缺額未能以勇丁挑補卽老弱在所不免而調查冊籍均屬模糊無從查辦似非嚴核造冊不足以覘其實虛非親閱各營不足以審其勦怠臣是以嚴飭各營造冊並俟於閱伍時核其強弱分別汰補或再簡練數營另立練軍統俟周歷各郡徧察形勢方能定議均非目前所能遽辦臣惟有遴選將弁淘汰老弱嚴禁虛冒勤加訓練庶幾餉不虛糜兵歸實濟以副 朝廷實事求是之至意抑臣更有進者治兵貴先練士

選將尤在得人若得樸誠勇敢之員一事權嚴其紀律簡練數千勁旅擇要鎮紮輔以水師無事則居中駕馭有事則馳檄東西庶幾防剿咸宜緩急可恃臣嘗於接見鎮將各官時覘其膽略聆其言論密爲存記以備干城之選武職人才固自不乏但外營距省有遠至千數百里者臣到任甫逾三月未及周知惟現任九江鎮臣朱淮霖湖口鎮臣丁義方皆係百戰之將膽識俱優訓練有法足資重鎮卽朱淮霖所統領新勁營亦爲上選臣已飭令嚴密督率以固江海之防再記名提督王得勝蒙恩補授南贛鎮總兵員缺前經臣奏請仰懇天恩先令到任營緩臣陛見得蒙俞允速令來江則獲指臂之助又袁州協副將韓晉昌亦經臣催令到任以重職守而專責成江西省阻山瀕湖素稱形勝得此鎮將以資捍衛於營務不無稍裨其餘實任署缺各員升臣誠見庸愚自當隨時考察咨商督臣展定舉劾冀收得人之效以慰聖懷再江西省丁漕自更章以來日形疲玩釐金以生理蕭條未能暢旺雖經臣力加整頓庫欸終形支絀凡遇協領各欸皆於無可籌措之中竭力騰挪而於地方善後各事轉致廢弛亦非國家培植本根之政臣到任以後嚴飭各州縣修築圩堤以衛民田借給籽種以卹災黎創建義學以端蒙養嚴辦保甲以靖外頑前奉諭旨修建白鹿洞書院並與學臣陳寶琛商酌擬整頓各府州縣書院添給膏火以慰士林而重學校以本省之錢爲地方之用亦屬萬不可緩轉賑籌維殊嗟仰屋臣蒙恩擢任是

邦職司民牧何敢視同隔膜但願時和歲稔則於江省事宜或可次第辦理此又臣通籌庫款不能不預  
爲陳明者也臣忝茲重任不敢稍涉因循亦不敢過於操切惟有殫竭愚誠力圖振作庶於國計民生  
兩有裨益以上咨 聖主宵旰之勤下部知之○壬子諭京師本年入夏以來雨澤稀少現在節屆小暑  
農田待澤方殷允宜虔申祈禱朕於本月初七日親詣 大高殿拈香 時應宮著派惇親王奕諱 昭  
顯廟著派恭親王奕訢 宣仁廟著派惠郡王奕祥 凝和廟著派貝勒載澂同於是日分詣拈香○亥  
刻南○癸丑雨○甲寅諭前因京師入夏以來雨澤稀少降旨於初七日親詣 大高殿拈香並派惇親  
王奕諱等分詣 時應宮等處拈香虔申祈禱仰荷 昊慈眷注於初四日亥刻起至初五日中午刻止禮  
沛甘霖郊原沾渥實感寶深朕仍於初七日親詣 大高殿拈香 時應宮著派惇親王奕諱 昭顯廟  
著派恭親王奕訢 宣仁廟著派惠郡王奕祥 凝和廟著派貝勒載澂同於是日分詣拈香用申報謝  
仍冀頻邀 鴻貺甘澍優沾以慰農望○丙辰轉卹世長爲吏部左侍郎調許應騷爲吏部右侍郎轉孫  
貽綽爲戶部左侍郎兼管三庫事務調孫家鼐爲戶部右侍郎兼管錢法堂事務轉孫毓汶爲工部左侍郎  
耶仍署理倉場侍郎以徐用儀署理工部左侍郎張家驥爲工部右侍郎兼管錢法堂事務○刑部奏光  
緒九年四月十六日奉 上諭卡爾第奏遵查煤礦奸徒陸續戕命請飭部嚴定治罪專條一摺據稱湖

南未陽縣奸民充當採煤僱戶誘買窮民關禁土室逼令作工並設立各種名目肆行陵虐每歲致斃人命甚多等語奸徒漁利戕害生命實屬曠悍殘忍日無法紀現卡寶第查明懲辦著即飭令地方官勒石永禁毋得視為具文至此項人犯應如何明定治罪專條著刑部議奏欽此等查例載宛平縣屬西山門頭溝地方開採煤密該縣設立印領給發密戶令將傭工人等姓名籍貫來去緣由十日一報該縣承考查並令西路同知就近稽查如該密戶不將各項工人開報照脫漏戶口律治罪若各項工人有犯竊犯賄或聚眾逞兇致成人命該密戶知情不行報究發覺之日除本犯按律治罪外該密戶照總甲容留棍徒例杖八十其有開設連夏鍋伙誑誘貧民逼勒入密關禁不容脫身者照兇惡棍徒例分別首從科斷密戶知情縱容者照知情藏匿罪人律治罪各密鍋伙內若將工作患病之人忍心擗棄及病故不即報官者照夫匠在工役之所有病官司不給醫藥救療及地界內有死人不申報官司輒移他處例分別治罪其毆打致斃者仍照謀故關殺本例問擬又例載捉人勒贖之案如有將被捉之人拒傷身死或於捕捉後謀故關殺者首犯俱擬斬立決為從謀殺加功者擬絞監候不加功者實發雲貴兩廣極邊烟瘴充軍若係拒殺毆殺為從幫毆如刃傷及手足他物至折傷以上者俱擬絞監候傷非金刃及非折傷者發新疆給官兵為奴未經討毆成傷者實發雲貴兩廣極邊烟瘴充軍如有將被捉之人任意陵虐暨雖



無陵虐而致被捉之人情急自盡者爲首之犯俱照苗人伏草捉人橫加枷肘例擬斬監候爲從幫同陵虐而助勢逼勒致令自盡者俱發遣新疆給官兵爲奴若僅止聽從搗捉關禁勒贖尙無助勢逼勒情事但竄發雲貴兩廣極邊烟瘴充軍又例載威力制縛人及於私家拷打監禁因而致死者絞監候各等語茲據該升撫以衡州府具稟耒陽縣境東西產煤商販雲集煤隆大小數百處挖取年久煤溜水底必先將水車盡始行開採礦戶有管水夫之頭名曰水承行多係近地奸民充當窮兇極惡並串同地痞設立青龍會積成巨款局賭資烟騙窮民墮其術中因而重利盤剝又商串酒館飯店故昂其值恣意取盈迫窮民負欠累累迫令賣身入墮其人無錢還債不得已飲泣允從又聞有平空哄騙強捉客民之事水承行築有土室幽暗深邃外立木棚挨隣處僅留一竅出入啟閉山水承行主之名曰設鼓將誘買哄騙強捉之人關禁鼓內名曰水蝦蟆概行剝脫衣服專令輪班車水晝夜不休饑寒不恤稍倦則鞭毀其背欲逃則刀刺其足且墜內陰寒氣盛工作又奇苦非常故弱者往往一月半月卽因之畢命壯者不數月亦足爛腹腫不容休息不給醫藥坐視其斃尤可慘者每年春間停工水蝦蟆幸而苟延無恙水承行仍將其留禁鼓內以備將來車水名曰養老米內外打格消息不通每歲每隆水蝦蟆之受害死者多則數百人少亦數十人隨就山窟掩埋親屬既無見聞無從驗報屢經該地方官不次嚴禁而各怪戶與水承行

十七

該縣煤廠積弊已久勢難逐一追究究其既往嚴其將來酌擬章程請定治罪專條係爲整飭地方慎重人命起見至謂與例內宛平縣西山煤窖情形相似而按該廠戶故縱水承行陵虐毆打實屬獷悍兇狠情同光棍僅照謀故關殺各本例問擬殊覺情浮於法在該升撫見該廠戶等殘虐已極欲照光棍例問擬罪首以冀懲一儆百且使人畏死而不敢猝犯或可力挽頹風用意非不甚善惟同一煤窖斃命之案在京畿則照謀故關殺各本例問擬在湖南則照光棍例問擬斷決無論畸輕畸重有失持平之道且罪名過嚴定案者或意存開脫徒懸一峻厲之法仍屬有名無實卽謂因地立法無妨稍爲變通而論罪衡情尤應期歸允當廠戶等虐待煤工不過鞭策力作本無積怨深仇謀故關殺者必少其不加體卹任意折辱以致斃命者十居七八若必待毆打致斃者方照關殺問擬則實抵者百不獲一無以杜殘殺之漸在尋常威力制縛因而致死者尙應問擬縱首況煤工關閉入廠儼同黑獄雖無制縛情事而性命介乎呼吸事操在條戶手內忍受陵虐戕身其中與彼此爭鬪偶爾斃命者迥不相同視拷打監禁因而致死者實無一致似應仿照辦理俾昭懲創至平空強捉客民入窿按其強橫情形與捉人勒贖無殊卽應按照科罪以戢兇暴若局賭賣煙誘騙平民因而重利盤剝逼令入窿並未釀命之案在設局者固屬可惡而被騙者亦皆由自取照兇惡棍徒例問擬已足蔽辜自應毋庸更改庶於從嚴懲治之中仍寓分

別等差之意等公同商酌請嗣後湖南省未陽縣開採煤礦令將傭工人等姓名籍貫來去緣由十日一報由該縣按時稽查該縣戶不將各項工人開報照脫漏戶口例治罪其經營水承行之人如有設法及創立水蝦蟆養老米等名目誑騙窮民作工不容脫身未致命者照兇惡棍徒例定擬如將工作之人不加體恤任意陵虐以致斃命者即照威力制縛因而致死律擬絞監候若無前項情事但將工作之人不為醫治及病故不即報官者照夫匠在工役之所有病官司不給醫藥救療及地界內有死人不出報官司輒移他處律分別治罪其有不空強捉客民關禁入監即照捉人勒贖例分別首從科斷如此明定治罪專條庶兇徒咸知儆懼而窮民亦免受欺陵矣再煤窰各省多有該升撫既認真查辦別省有似此情形者亦可查照辦理如蒙 俞允由 臣部行文湖南巡撫並通行各省督撫將軍都統府尹一體遵照仍於 臣部修例時纂入例冊以資遵守得 旨如所議行○丁巳 上詣 奉先殿行禮○劉錦棠謹謹奏 臣錦棠承准吏部咨遵 旨會議等前請變通新制官制營制具陳一摺奉 旨依議欽此竊維原奏知照到營當即欽遵分咨關外在事諸臣並飭現辦營後局員各將所管地段界址暨一切情形詳細察奪具報去後伏維體國經野通籌局勢須原始以要終庶可大而可久物當創辦之初有因一處之妨而致全局之多礙有因一端之阻而謂眾務之未宜風氣之所浸漬成例之所拘迫欲變之於一旦微

論法制尙未詳訂急切靡所適從卽使綱舉目張自謂燦然大備且有箕風畢雨之好足以淆我視聽擾我神明種落之殊教令之別非獨其地有以限之抑由其積漸使然也關隴爲天下之屏蔽而塞外又居關隴之上游山水之所從出其地則高寒而多沙礫其人雖渾樸而不聯屬不問向之居國行國究其居處服食文字語言迥異中土漢唐以來殷鑒西事罔不經營捍衛聊固吾圉蓋既爲形勢所必爭則卽爲聲教所必及乃能一其習尙無復他虞夫因創之所乘實由天時人事之所湊拍蠶者漢置河西四郡當時雖不免耗中事西之苦而至今賴之西域自古屬塞之地往往一隅蠢動腹地爲震自祖宗朝櫛風沐雨先後裁定南北兩路或分置屯防或間設郡縣星羅棋布遠近相維南疆地雖饒沃而因俗類榛狃難驟繩以禮法於是分命大臣督率文武員弁兵丁鎮駐扼要之區彈壓巡緝差徭賦稅量爲徵收舉凡疏節闊目用以壯厥聲靈堅其趨嚮以待我皇太后皇上今日因時制宜變通盡利臣錦棠適躬逢其盛前陳應設應裁應改應移諸端仰荷 睿衡飭部會議茲各部院議覆摺內於議設者如置巡撫布政使及鎮道加按察使銜管理刑名改迪化州爲縣設迪化府各節暫從緩議而議裁議改議移者如裁各城都統參贊辦事領隊各大臣應俟南八城建置事宜辦有成效奉 旨准設巡撫再行會奏請 旨又裁去回官阿奇木伯克等另行酌設項目則以均有職掌責任歷經體察妥議章程核辦改設額

兵將烏魯木齊提督移駐喀什噶爾亦令俟議請 旨回章現入義塾讀書有能誦習一經熟悉華語者  
咨部給予生監頂戴議以向無成案擬請俟回章粗通文藝時酌設學額憑文取進如以該回章等但須  
讀書識字不必責其文理應令酌給獎勵請 旨遵行至請南路改設道屬州縣各官均經先行議准令  
將應辦事宜會商妥協次第奏明辦理各等因詳經部院諸臣議覆各條其於應准應緩之事體無不斟酌  
至當上慰 宸衷誠以損益之舉動關久遠之規縱使疑無可疑猶當慎之又慎然創制早開乎其先  
則變通宜審乎其後從前滇黔之改流官近如臺灣奉天吉林之添設郡縣皆時會之所趨 聖化翔洽  
幾若行乎其不得不行回章如能熟誦儒書諳悉華語日久漸摩帖然就範既已革除舊習自當被以  
政教故應裁應革應移者刻下即須籌擬一則一氣相承因勢利導可收及時整飭之功一則經費宜定  
合計從長可免異日虛糜之弊部臣深知其然而未即請 旨飭辦者以應俟准設之官具有規模然後  
分別舉行蓋即直隸麟所擬設立行省當從州縣辦起之意自准部覆即經往返兩商熟籌辦法議定即  
由直隸錦棠就近先行委員往署詳察東西兩道應分之界限並各直隸州與其轄縣應分之村境各處城  
垣多未完固尙有應行改建增修之城各官衙署能否各就善後辦公局屋改作或應別籌營造 壇廟  
倉廩監獄亦應擇要修建驛傳塘站視其衝僻安設文員雜職置輔分司現除教職緩議外其各屬州縣

之照廢吏目典史應與印官同城佐理此外各屬轄境遼闊應添州判縣丞巡檢分防各按所屬繁簡酌添以便控制凡此要關務爲先正其名而後能責其事否則委員以空名行實政既無職守亦無考成難期與斯民相維繫誠有如臣鍾麟所云者臣錦棠擬違部議就差遣各員內分委道員同知直隸州知州通判知縣各官前往署理暫刊木嶺關防鈐記給令啟用俾昭信守惟是設官之後文移徵收詞訟宜照官署之式南路向無漢民鎮道所屬自經兵燹書吏更少於前無可調派前經分飭各府州於所屬書吏中揀公事諳練者各派數名優給川資令其移眷西來備日後之分撥回官三四品阿奇木伊什罕伯克階職較崇臣前慮其極重擬累會請裁去銜額冀欲杜漸防微相沿已久未可驟加屈抑擬請仍留頂戴略如各省州縣之待所轄紳士假以禮貌使有別於齊民昔之衆伯克等分理糧役訟獄諸務將來擬分撥爲吏戶禮兵刑工各書與漢書各雜處互授漢回文旨以期相觀而善既可收其把持之權又可藉爲公家之用似屬兩有裨益俟印官履任後徐爲圖之如能行之有濟屆時另行奏報每年應支廉俸公費銀兩已經部議照鎮道所屬數目支領所有應設書辦及各項人役名數月支工食銀兩兩斤數目亦應請照鎮道所屬定章支發以歸一律兩道綜司各屬政務須有通曉各項文字之人以備繙譯應請各添清字回文書辦各數名各屬傳訊訟案勘畫經略必先通其語言乃能從而剖斷應請各添回書通

事欵名以上月支工食銀兩數目均請照鎮道所屬書吏章程開支道員以下各官印信應懇  
飭部按照擬就各項缺銜鑄造頒行查吐魯番同知之印文係兼用清漢回字此項印信似應一體兼鑄  
回文併懇 飭下妥議定鑄南疆此次設官事屬創始當就練習邊情之員先將應辦事宜趕緊興辦方  
足以資治理現准先設各官籲懇 天恩准照吉林新設各缺成案統歸內地擇人山外揀補一次則相  
從邊塞者知所奮勉吏治可期起色至於城垣衙署倉廩監禁應修各工舉不容緩南路土性鬆浮多饑  
卽燒成之磚塊曾不數年多被潮濕剝蝕牆垣基身務較寬厚始可耐久已飭湘楚各軍選派勇丁趕將  
城工挑築並商幫辦軍務臣張曜飭令嵩武軍營勇擇要興修許以事竣懇 恩擇尤獎勵均卽踴躍用  
命第計工程浩大仍須兼僱鄉回乃能限期成功其需用之鐵木各器及各項工匠器物防營之不能辦  
者令各委員核實動用再懇 飭撥的欸以濟要工值此經費支絀之際臣等受 恩深重尤當格外撙  
節無如地處邊荒工係創建但期力杜浮冒未能率合成規合無仰懇 聖慈俯准俟後歲役除繪圖貼  
說咨部外卽照實用寶銷開單具報藉省一再造冊之煩徭賦上關 國計下繫民生綜計南路正糧每  
年二十餘萬石將來兵制酌減需糧較少日久積儲勢難多備倉廩變價又苦無從銷售潮腐堪虞臣錦  
棠擬飭各屬於此後科定賦役時權其輕重或有前章稍重者仰體 皇仁卽予酌減微糧較多之處核



計兵食之外所餘尤多卽行折徵銀兩添充度支以爲涓滴之助庶倉糧不致糶朽而邊儲得以常充矣  
下部議奏○戊午諭李鴻章著署理直隸總督兼署辦理北洋通商事務大臣張樹聲著回兩廣總督本  
任曾國荃著來京陛見○己未曾國荃奏粵省辦理海防從前本無專欸自光緒二年間前督臣劉坤一  
奏准以粵海關洋藥正稅項下月撥查辦伏莽經費銀二萬兩改充海防經費始有專欸可支嗣因經費  
不敷復經督臣撫臣先後奏明將沙田畝捐洋藥商捐以及截留本省洋藥釐金項下應解南北洋經費  
等欸留爲海防支用計自同治十三年奉 旨籌辦防務迄今已將十年前項撥歸海防備支各欸或先  
已罄用無存或未能如數解足其間並有移緩就急借以湊解京協各餉未能實歸海防支用者粵東庫  
欸匱絀每年收不敷支借中補乙常短八九十萬兩現在欽奉 諭旨籌辦海防所需一切經費爲數更  
鉅本省既無有著之欸可以添撥而京協各餉關係緊要又未便率請截留倘欲於釐金權稅之外另立  
名目苛取粵民則事同竭澤而漁利未見而害已隨之又非 臣等所敢出也溯查光緒五年間前督臣劉  
坤一會同 臣裕寬以粵東防務緊要無欸供支曾於具奏籌辦海防情形摺內陳明如有本地紳商捐資  
出力辦理礮堡及購買船礮等項裨益海防者准由督撫 臣飭司核實驗收奏請 天恩給予獎敘欽奉  
諭旨飭部議准咨行遵照在案此項捐欸出自紳商樂輸且以此邦捐集之資爲本省籌防之用成規

具在前事可師目下防務方殷餉源久涸會此一途別無良策粵東紳商富戶尙不乏急公奉上之人激勵而獎勸之當必情殷報効此後如有情願捐資裨助海防者擬核其捐數之多寡以爲獎勵之等差其捐數少者由臣等酌量給獎其有獨捐鉅款者懇請 天恩准其從優獎敘庶捐輸可期踴躍而經費得以稍充似於籌辦海防事宜不無裨益下戶部議奏○曾國荃等奏臣等派吳全美統率舟師駛赴廉瓊洋面游弋巡防派方耀統領五營馳赴欽州邊界擇要駐紮業經具報在案六月初六日承准軍機大臣密寄光緒九年五月十六日奉 上諭法越構兵一事久未定局法使脫利古與李鴻章會晤以中國是否助越爲首意在挑畔甚爲巨測亟應先事籌防以杜狡謀著將沿海防務實力籌辦認真布置不可虛應故事徒令外人輕視等因欽此仰見 聖謨廣運訓示周詳私衷曷勝欽悚伏查廣東洋面延袤三千餘里屬州省會居其中東則自惠州而潮州與閩省連疆西則自肇慶而高州而雷廉與越南接壤瓊州一府南澳一廳則孤懸巨浸之中數十年來督撫臣等籌辦海防以省城爲外郡之中樞虎門爲省城之門戶因而議修礮臺議練水師又擬購巨礮製水雷以爲守禦之備經營布置蓋有年矣顧以財力不充事功難就卽省河及虎門黃埔等處應修礮臺各工尙未一律告蒞歷年購置水雷鎗礮爲數雖多然以之分布各處礮臺仍形不足此外沿海各處如東路潮州之汕頭僅止修成崎嶇礮臺一座其餘惠甯廉

現各郡吏屬兼顧不遑今法人搆兵外人藉以生端欲挑衅於中國粵東洋面實爲外人入華首要衝途且通商最久香港澳門及附省沙面一帶在在皆有洋人館舍房屋處處皆有領事商賈屯駐沿河水勢之淺深山谷之險要皆敵所稔知也先時之防勢不可緩以通省瀕海而論沿海三千餘里港汊紛歧若欲到處設防兵力實有未逮惟省城爲全粵根本自當首爲之防欲求內地之安必先設藩籬於外是則虎門一隅實爲粵省門戶尤不可不嚴爲之備自虎門至省計程約一百八十里香港澳門已爲外人踞踞惟虎門沙角上下橫檔尙是鎖鑰之城洋面雖寬中祇一濠三等四等礮力尙能洞中船隻若深入數十里則水道漸窄矣惟離省四十里之黃埔常洲相距兩岸各百四五十丈山形包裹水勢濶洞若能於此設防大足以資控扼是以言防粵者僉謂虎門沙角上下橫檔爲省垣第一重門戶萬不可棄而不守黃埔常洲白兔崗白鶴山魚珠沙路等處實爲第二重門戶尤宜厚集兵力多築礮臺嚴爲之備勇夫尙且重閉況省垣要隘乎光緒六年督臣張樹聲具奏籌辦廣東海防摺內所言黃埔常洲一帶中樞扼要亦宜有兵駐守有礮禦敵方能首尾相應卽指此處要地而言之也張樹聲雖有此議旋以經費難籌迄未遑修築礮臺所購之礮尙未一齊到粵是以不能設備臣等察看形勢竊以爲今日防務孔亟不可虛應故事虎門固爲最要而黃埔常洲白兔崗等處尤爲門戶鎖鑰此更不可不先事預防果能扼守虎門

常洲則省城自可無虞矣至於設守之方與其僅防於水面猶是孤注之勢不若兼防於兩岸可成倚角之形溯水設防首重舟師細查東省各號輪船以爲附近海口緝捕而設船身本不甚大且又購製日久機器未能堅緻如初光緒五年欽奉諭旨飭令各省輪船赴吳淞口合操前督臣劉坤一於覆奏摺內聲明粵省各號輪船實不足以出洋禦戰今閱數年之久苦窳更甚於前若令駐防巨浸洋面則不足以當敵船之利礮若令設伏於虎門沙角以內黃埔常洲以外亦足以阻敵艦之往來扼賊舟之充斥等再四熟籌虎門地方除威遠下橫檔兩礮臺業經修築工竣安配礮位分撥勁勇正副兩營駐守操防其捐修之鵝頸礮臺山水師提督派撥練兵防守此外尙未修竣之沙角礮臺及應行補修增築之上橫檔浮洲山飯廳牌等處均屬緊要之地必須作速修築設兵堅守所有虎門沙角以內至黃埔常洲百數十里之地亦宜兩岸多築土臺至於黃埔常洲之白兔崗白鶴山魚珠沙路等處尤爲扼要之區更應趕緊購料併工刻期修築礮臺便可與省城附近之大黃灣中流砥柱等處第三重門戶礮臺聯爲一氣其沿路水道較窄地方則暗置水雷以爲礮臺之輔此預籌先守門戶以固省垣根本之情形也又守邊之策控扼在乎得地而守禦尤貴得人從前粵東用兵有年乃於虎門十分要地但有守臺之營而未嘗厚集兵力作爲護臺之壘又無游擊策應之師似此孤立無援故外寇遂由下游登岸以毀礮臺之背因而一

敗塗地不可收拾無論中外交戰大凡兵無救援斷難持久堅守今欲防守各路礮臺必須屯聚重兵能耐苦戰方可以資防護一旦遇警雖有強敵乘虛以襲其後亦可誦懼不敢竊計虎門沙角及黃埔常洲兩要隘萬一臨警之際每處須屯萬人首尾接應可以更番疊戰晝夜輪替以制前敵之軍乃有把握至於省城以外抵大黃灣中流砥柱等處共十餘里亦宜有團練萬眾嚴備防守庶幾各港汊小徑縱寇潛來窺伺省垣亦不敢乘間抵隙方足以安定城廂內外之人心而固全省之根本現在法人巨測端倪初露尙是和戰未定之局斷不宜遽行召募多營既不敢過涉張揚又不欲徒滋耗費所幸粵省民風尙稱剛勁一朝中外失和遇有緊急立刻僱募三萬之眾不難旬日屯集但須物色粵東本省得力營官哨官隊長另派慣戰將弁預先教以營規陣法其招募也則應在於北江東莞新安一帶夙練之團方可以精勁旅臣等欽奉 諭旨卽已函商總兵方耀卿紹忠鄧安邦副將吳迪文等密地各選得力將官能充統帶管帶者數十員能充百長哨弁者數百員議定在於北江各屬及東莞新安各處挑選驍勇敢戰能充隊長者一千五百人擬令先行齊集派廣東候補道周炳勳遴選湘楚久經戰陣者四十員充當教習會同鄧鄧二鎮及各將官訓練對敵分合進退之方諭以奇正埋伏步伐止齊之法並令該隊目等營添僱民夫一面修築各處礮臺收買各鄉團練自置之礮以應急需遇有警報失和之信卽令號召各處團練

機賊散死之士尅日成軍防守各營各處此乃審度緩急預籌布置及目下之實在辦法也又查廣州海口虎門以外尙有蕉門橫門崖門虎跳磨刀兩門均可繞至省城之右其餘沿海港汊可通內地者幾於悉數雖終若逐處設防非惟兵力不敷抑且難周密也等查沿海沙戶漁船實有萬數千號其大者船堅礮巨亦能時出虎門澳門以外若輩重利輕義實於廣州各港口水道之淺深曲折潮汐之消長疾徐無不熟悉於胸多有可用之才前督臣劉坤一曾經委員編查保伍爲之擇立澳長今尙有卷可稽原擬海疆有事抽選成軍另以將弁統之聽候調用查副將吳迪文等生長海濱爲各漁戶所信服等擬令該將密地將各澳漁戶多方聯絡編集名冊無事之日聽其各安生業設有警報則飭吳迪文等迅速調來收集港汊支河之內令其分段巡防既足以輔兵力之不敷亦可杜絕外人勾結謀害省垣此外沿海各郡縣亦經密飭地方文武官員將各營兵丁認真訓練各鄉團練多築碉堡以期人自爲守敵難猝攻此布置沿海地方港汊鄉村預籌有備無患之情形也臣等知誠恐番匪竄寄當此遠夷伺釁宵旰勤勞敢不竭驍輶勞之姿爲戶牖綢繆之計雖值庫儲告匱部署良難而合家志以成城矢寸衷以圖報凡屬綿力所能及自應勉勵以輸忱如果法人不就範圍一旦入寇粵疆不得已而竟出於戰卽當檄飭諸將召募土軍尅期入營防守照依湘軍規模優給口糧臨時重議犒賞以殺賊立功可望擒渠殲

敵國定於開警之日親駐虎門前敵營壘之內相機調度晝夜激勵將士鏖戰不懈以期固守疆圉而慰宸廑上諭所奏預籌布置各節卽著切實妥辦務臻周密以期緩急可恃廉瑛澤而及欽州邊境飭令吳全美方燾認真巡防無稍疏懈○庚申諭翰林院侍講王邦卿奏請旌表節烈等語梁歐陽氏朱鍾氏劉段氏李馬氏王高氏彭王氏劉楊氏黃陳氏均著准其旌表○諭王邦卿奏請旌表孝行等語楊堯熾周克岐均著准其旌表○辛酉諭此次山東兗城等處黃河漫溢被災甚重前經諭令游百川陳士杰籌款撫卹災黎情形困苦昨據懷義於山東應解京餉項下截留銀十六萬兩以資賑濟游百川陳士杰著卽督飭該地方官及委員等分赴災區詳細查明核實散放務各實惠均沾毋任吏胥稍有侵蝕用副體恤民艱至意○壬戌諭明春奉回子親王呈請借支俸銀一摺據稱哈密扎薩克回子親王沙木胡索特因兵燹之後修理墳墓請賞給俸銀等語著照所請准其借支十年俸銀二萬兩以示體恤○癸亥諭軍機大臣等御史李璵奏風聞京城及直隸等處有在理教以戒人吸煙飲酒爲名互相傳引人甚衆多關係白蓮教之別名教首卽在天津請飭密拿等語匪徒創立教名誘惑愚民大干例禁白應嚴行查辦以遏亂萌該教首蹤跡詭秘是否潛匿天津著李鴻章遴派委員嚴密查訪妥慎辦理毋致激成事端將此密諭知之○張佩綸奏河南王樹汶一案經刑部提審平反將該省承審官奏奉諭旨分

別降革治罪。查此案初審招解係署臬司麟椿勘轉嗣奉 旨交梅啟照李鶴年會同審訊李鶴年派  
現任臬司梅啟照派升任河北道陳寶箴會訊仍照原議詳奏經刑部駁提訊結是二次會審之司  
道無異於初勘轉之臬司今麟椿部議降調而豫山陳寶箴供職如故殊不可解。臣聞李鶴年以豫山陳  
寶箴隨同書稿為辭而梅啟照則以該司道會印會詳商同主稿復部吏部就詢刑部刑部第以全案書  
複吏部於該司道主稿與否初未置辭吏部憑何定議不知李鶴年與梅啟照所主者委稿豫山與陳寶  
箴所主者詳稿司道不詳督撫何由入奏失入之咎例應與初審之麟椿同科梅啟照既以豫山陳寶箴  
會印會詳聲復應將該司道即照審轉官失入例議處況陳寶箴浙臬到京之日正此案提審之時該升  
道日營營於承審各官之間彌縫掩飾不知遠嫌其時即干物議今覆審之知府已從重遣戍督撫又  
特旨除名而陳寶箴果與豫山逍遙法外同罪異罰不獨無以服麟椿諸人之心亦且無以正天下之口  
也法司風憲重既攝官理合直陳諸 旨飭部將豫山陳寶箴照麟椿之例議處以協刑章而息浮議  
上諭署左副都御史張佩綸奏河南王樹汶一案二次會審之臬司豫山前任河北道陳寶箴應照初次  
勘轉之署臬司麟椿議處等語豫山陳寶箴應得處分著吏部詳查案情照例定議具奏○甲子諭署左  
副都御史張佩綸奏總理各國事務衙門章京分部郎中張殿鳳小有才能跡近招搖請飭察看等語張



廣慶回刑部當差母病在總理各國事務衙門章京上行走並著刑部堂官隨時察看如有劣跡據實具奏○乙丑諭李鴻章奏淮陳下情籲懇收回成命一摺覽奏情詞懇切出於至誠本應俯如所請惟畿輔重地一切吏治民生防軍水利均關緊要李鴻章在任有年辦理周妥是以特降諭旨令其署理直隸總督兼署辦理北洋通商事務大臣以一事權際此時事多艱朝廷倚任庸人該督督惟當仰體宵旰焦勞之意移孝作忠勉圖報稱卽著仍遵前旨毋得固辭○丁卯諭李寶第奏命婦五世同堂籲懇恩施一摺原任廣東提督劉松山之母現任通政使司通政使劉錦棠之祖母陳氏年近八旬親見七代五世同堂洵爲熙朝人瑞加恩著賞給御書匾額一方頒發祇領以示殊榮所有例應旌賞之處著禮部議奏○諭繼格孫毓汶奏剿辦盜米情重法輕請飭嚴定罪名一摺漕糧爲天庾正供豈容私行盜竊據奏近來剿辦戶偷漏之風益無忌憚每船動輒偷竊數十石之多甚至偷米後棄船逃走似此懲不畏法殊屬可惡應如何嚴定罪名之處著刑部議奏另片奏漕糧與船戶狼狽爲奸請飭查拿等語天津至通州沿河地方匪徒盤紮旬通偷盜實爲漕糧之害著直隸總督順天府府尹飭令沿河州縣隨時密訪嚴拿懲辦如果緝捕出力准其分別奏咨獎敘○廣西提督馮子材以病免○以黃桂蘭爲廣西提督○己巳以錫珍爲吏部左侍郎崑岡爲禮部右侍郎福銀爲戶部左侍郎啟信爲戶部右侍郎興廉爲工部左侍郎崇

晉爲工部右侍郎○以額勒和布爲戶部尙書烏拉喜崇阿爲理藩院尙書延煦爲都察院左都御史○以唐炯爲雲南巡撫○庚午直隸正定鎮總兵婁雲慶以病免○以葉志超爲正定鎮總兵○諭前因雲南報銷一案司員書吏收受津貼銀兩情節較重曾降旨將失查之戶部堂官及工部堂司各官雲南督撫交部分別議處茲據吏部等衙門奏造議處分一摺該堂官等或濫保劣員或失於覺查均有應得之咎戶部尙書景廉前戶部左侍郎王文韶調任吏部左侍郎前任戶部左侍郎奎潤及前任戶部尙書董恂將已革員外郎福祚京察保列一等均著照部議降二級調用不准抵銷景廉著仍在軍機大臣總理各國事務衙門大臣上行走前任雲貴總督劉長佑雲南巡撫杜瑞聯任聽屬員挪移公項均著照部議降三級調用不准抵銷該督撫於程尊恭保列卓異應得降二級調用公罪處分景廉王文韶奎潤前署戶部左侍郎吏部右侍郎許應鑾前戶部右侍郎通政使司通政使崇禮應得罰俸降級留任工部右侍郎翁同龢前工部左侍郎調任兵部右侍郎師曾前工部右侍郎調任戶部右侍郎孫家鼐前署工部右侍郎現署左侍郎徐用儀工部郎中福志蔡世傑應得罰俸岑毓英杜瑞聯應得降級留任各處分均著准其抵銷○諭吏部奏遵議會審王樹汶案內各員處分一摺河南按察使豫山前任河北道升任浙江按察使陳寶箴均著照部議降三級調用不准抵銷○岑毓英等奏等前訪聞省城附近地方有哥老

會匪潛匿結盟非會窩盜聚賭情事即出示嚴禁並飭地方文武各員督同保甲局紳隨時查拿先後將匪首郭應培羅洪順劉端楷夏宗潰拿獲解案搜出號片等件又收獲昭迫會匪李添沅寄夏宗潰密信一封約俟秋收後與匪首黃雙範及越獄逃走之撤二開等聚眾謀逆語甚狂悖經臬司督同署雲南府知府鄧華熙訊供不諱查會匪滋事大干刑禁前欽奉 上諭翰林院編修吳觀禮應詔陳言摺內請防患未然一條哥老會散在各省大率弁勇居多其伏處鄉里並未爲匪者自不可遽事搜查致形擾累其糾約黨類行劫商旅甚至惡跡昭著者亟應隨時嚴拿懲辦以遏亂萌等因欽此歷經遵照辦理在案今該會匪等膽敢潛匿省城附近地方擾害閭閻並與李添沅等勾結謀逆竊屬目無法紀若不及早殄除必致釀成巨患茲將郭應培羅洪順劉端楷三犯先行正法以昭炯戒並將夏宗潰一犯牢固監禁俟督飭昭通鎮府將匪首李添沅等拿解到案訊實明確再行懲辦其餘脅從人等示諭據實自首繳出號片從寬免究仰副 朝廷除暴安良之至意報聞○壬申諭前因山東歷城等處黃河漫溢被災甚重已諭游百川陳士杰覓籌賑項並截留京餉十六萬兩以資賑濟朝廷屢念災區無時或釋誠恐窮黎困苦撫恤難周此次江北漕船尙在山東境內即著截留漕糧五萬石俾資接濟游百川陳士杰務當督飭該地方官及委員等核實散放毋任吏胥稍有侵蝕用副宵旰焦勞勸恤民隱至意○諭游百川陳士杰奏

籌辦賑撫擬請勸捐接濟撥案給獎一摺此次山東歷城等處水災甚重前經截留京餉賑濟本日又降旨截留漕糧以資散放惟災區太廣需款尙鉅現經游百川等勸捐助賑所捐銀兩准照直隸勸捐章程給予封典虛銜以昭激勸○諭李鴻章奏仍懇收回成命一摺覽奏均悉從前大臣如孫嘉淦朱軾裕曾鈞蔣炳千敏申曾國藩胡林翼等皆遵旨任守制誠以事關緊要不得不權宜辦理上年李鴻章奏請開缺終制時曾將此意剴切宣諭該署督惟當以國事爲重力任艱難其不得已之苦衷自爲天下後世所共諒卽著遵旨任事毋得再行固辭○諭都察院奏京師捕務廢弛請飭會議緝捕章程一摺竊嚴重地近來劫竊之案層見疊出捕務實屬廢弛亟宜認真整頓著步軍統領衙門順天府五城御史會同妥議緝捕章程實力奉行毋稍疏懈卽將著名匪首迅速緝拿務獲懲辦據奏匪類受庇於番役番役受庇於營員貪利營私養奸養賊等語著步軍統領衙門嚴加整頓力除積弊查明聲名素劣之營員據實參奏番役人等如有交通匪類詐害良民情事卽行澈底嚴究懲治並著都察院堂官督同五城御史隨時整頓請奸除盜有犯必懲以靖閭閻○癸酉以劉盛藻爲浙江按察使唐咸仰爲河南按察使龔易圖爲雲南布政使沈鎔經爲廣東按察使○甲戌兩○譚鍾麟奏查甘肅驛站軍塘原額續增合計關內外共設馬六千三百五十餘匹夫三千六百餘名又所牛五百餘隻有牛夫扯車馬一百五十匹有馬夫每歲

需工料站價銀二十五萬七千餘兩糧料草束在外軍興以來塘驛廢弛前督臣左宗棠飭各屬陸續安設夫馬不及三分之一各州縣咸謂不敷供差時請增添而所需工料銀兩有由軍需項下發者有由善後局撥局領者有留支者有從司庫領者大約所領現銀有限而未領之項各屬仍照舊額作為墊支列入交代以抵解款紛紜輾轉不但款目混淆抑且苦樂不均臣去年飭令各屬均由藩庫請領以歸劃一並飭兩司體察現時情形酌留夫馬祇期驛遞不至貽誤餉項不至虛糜茲據藩臬兩司詳請目前庫款空竭固難遵復舊制且軍務既平驛遞較簡無須照額多設夫馬現在酌量地方驛路遠近差務繁簡合計東西大道寧夏西寧兩府酌留驛馬二千六百八十五匹夫一千三百四十二名此外如安西玉門軍塘暨寧靈路慶陽所屬偏備驛站並新設之寧陵平遠磴河城打拉池等處所設夫馬無多姑仍其舊所有東西兩路所夫所牛拉車夫馬久已無存徒資糜費竟可從刪除哈密巴里坤各路軍塘仍由軍需項下支發外統計關內驛站及安西玉門軍塘夫馬站價歲需銀十萬六千餘兩糧料二百四十餘石草一萬九千餘束此後各屬向山地丁項下留支者照現定之數留支有餘則解司庫向由司庫領者照現在酌留之數核發如此酌中定議事體劃一不致偏枯等情詳請奏咨立案前來臣查該司等所議酌留夫馬之數照額固屬減半照各驛現有馬數尙有加增於驛遞決無貽誤而每歲節省銀十餘萬兩於庫款

不無裨益請於光緒九年正月起照現定之數支發以便司庫造報他日庫藏充裕不難復照舊額或當有事之秋必須添設夫馬仍可隨時酌量請增此舉係爲目前庫款支絀核實撙節起見並非變更舊章似屬可行下部知之○乙亥兩○諭近畿源利日赤業經深透昨復連宵達旦雨勢沱滂誠恐有損田禾深宮寶殿焦灼眷懷民瘼寢饋難安冀迓時陽特申虔禱謹擇於本月二十九日朕親詣 大高殿拈香時應宮著派惇親王奕諒 昭顯廟著派恭親王奕訢 宣仁廟著派惠郡王奕祥 凝和廟著派貝勒載澂同於是日分詣拈香以迓 天和○丙子 上詣 大高殿 壽皇殿行禮○是月法蘭西國新簡駐華使臣德理固抵任

東華續錄

光緒五十五

臣朱壽朋敬編

臣沈彭年恭校

秋七月己卯朔時享 太廟遣奕劻恭代行禮○庚辰諭

員戰功卓著請量予

褒卹一摺已革前任總兵降補都司陳國瑞隨同僧格林沁轉戰數省曾著勞績嗣緣案遣戍上年傷發身故著加恩開復總兵原官並將戰績宣付國史館以獎前勞該衙門知道○諭昨據給事中鄧承修奏已故戍員陳國瑞請予褒卹一摺並非迫不及待之事輒於花衣期內呈遞殊屬不諳體制鄧承修著交部議處○癸未清安奏查科布多屬扎哈沁游牧迄南杜蘭哈喇地方舊有鉛砂鑛廠前於嘉慶年間因邊徼情形不甚相宜奏奉 諭旨嚴行封禁至咸豐八年間據烏魯木齊都統倭什坤布奏請招商試辦當經科布多參贊大臣麟翔奏明該處僻在邊隅幅員遼闊竊恐匪徒藏匿偷挖鉛廠甚或滋生事端諸多窒礙請仍遵照成例封禁並於每年雪融冰泮之後科布多巴里坤二城各派委員巡查等因歷經辦理在案今屆巡查會哨之期前已咨明烏魯木齊巴里坤各派員前赴該處會查鉛廠惟據巴里坤來咨內開近來餉項支絀差煩兵苦盤費難籌未能派員前往會哨等因前來奴才當即差派委員松祥前往

該廠會同坐卡官兵詳細搜查有無匪徒藏匿偷挖鉛砂情形務當據實稟報茲據該委員松祥稟稱查得杜蘭哈喇鉛廠內並無偷挖鉛砂之人亦無來往蹤跡並囑令該卡官兵認真巡查勿得稍涉疏懈等情稟報前來除山奴才飭令署扎哈沁公印務扎蘭阿育什轉諭駐卡官兵等必須嚴加看守不時稽查外理合具奏報聞○甲申諭張樹聲奏請調員差委一摺已革兩淮鹽運使洪汝奎著發往廣東交張樹聲俗竟差遣委用○丙戌諭順天直隸所屬涿州向苦積潦近來雨水過多加以山水暴發低田更難涸復小民失於耕種困苦實深朝廷軫念窮黎亟應預籌撫恤此次江北糧米除撥抵山東賑需五萬石外尚有米六萬六千七十餘石現已運抵天津著李鴻章就近截留督飭各屬查明被災輕重分別核實散撫務使實惠及民毋任官吏稍有弊混用副虛念民艱至意其隨漕輕費等項銀款並著飭令該糧道解交直隸津貼運費○丁亥諭護軍統領德福奏拿獲開設烟館人犯請交部治罪一摺太監閻連成等膽敢在紫禁城內開設烟館應從嚴懲治所有拿獲之太監閻連成民人索兒均著交刑部嚴行研訊按律懲辦其未獲之太監尙道請民人李二著步軍統領衙門順天府五城御史一體嚴拿務獲歸案訊辦○戊子 上詣 奉先殿行禮○諭軍機大臣等雲南素產五金乃天地自然之利該省銅政久經廢弛本應整頓規復以資鼓鑄而利民用此外金銀鉛鐵各礦亦復不少自宜早籌開採以廣中土之利源實



爲俗國籌邊全計惟經費較鉅籌款維艱近來各處開採煤礦皆係招商集股舉辦較易若仿照辦理廣  
招各省殷實商民接股出資與官本相輔而行則衆擎易舉事乃克成前據岑毓英奏整頓銅務章程五  
條業經戶部議復准行昨據署左副都御史張佩綸奏稱招集商股開採滇礦爲富強本計不爲無見岑  
毓英庸陋身居疆寄於滇礦務必能留意講求實心經營即詳細會商妥速籌辦新任藩司龔易圖到  
後並著飭令將籌款招商等事妥爲經理總期事在必行毋得視為不急之務日久辦無成效坐失事機  
至各處礦苗應如何先行相度或仍應購買外洋機器以利開採均著豫爲籌議一俟款項集有成數即  
可剋期興辦不致遲誤張佩綸原片著鈔給閱看將此由四百里各諭令知之○諭錢法爲民用所關私  
鑄私銷大千例禁現在近城一帶多有匪徒銷燬官錢改鑄漁利以致私錢充斥亟應嚴拿懲辦著步軍  
統領衙門順天府五城御史一體嚴密查拿務獲按律懲治以重國法○文海奏今日之時勢需才孔殷  
而操用人之權者每有乏才之歎推原其故總由人心不正風俗日漓以中上之資無由觀感奮興日習  
於巧滑而不足以任事今欲人才繼起惟有正人心厚風俗以爲培養人才之本其所以正人心厚風俗  
者約有數端敬爲我 皇太后 皇上陳之一杜徇情中外大臣皆有以臣事君之義豈不知舉直錯枉  
職所當爲乃往往於情面所關私心頓起或遷就於同寅或迴護於權要以致見賢不能舉見不賢不能

卽退皆此瞻徇之一念有以誤之耳然誤已卽以誤人有志之士心懷不平勢必甘爲韜晦無能之輩因  
而趨向反得以之濫竽驅人品於下流莫此爲甚於人情風俗所關豈淺鮮哉相應請 旨飭下內而大  
小臣工外而督撫司道力杜徇情之習一秉大公庶人才自有起色矣一抑奔競各部各省屬員過多人  
浮於事過有差委恐後爭先必爲大吏者果能應公選派舍其短而用其長練其才而成其德孰不爭相  
砥礪以邀有道之賞識乎乃近來捷足者可以先登夤緣者可以倖進人心風俗逼人至此於此欲得真  
才真才豈可得哉宋程頤云大賢居位卻不求人而使人倒求己是甚道理又云祇爲有不求者不與來  
求者與之遂致人如此帝是則奔競之門自大吏間之相應請 旨飭下中外大臣凡遇屬員之升選調  
轉以及派委差使如有當面干求及轉人囑託卽指斥不用庶奔競之風可以永絕而人才可以振興矣  
一勵廉恥周禮曰六事以廉爲本孟子曰恥之於人大矣哉是廉恥兩字關於人心風俗尤當亟亟講求  
也向來京官不貴應酬從不與該管上司送禮近聞各部院司官頗有與堂官送節壽禮者不可不防其  
漸外官節壽陋規大半裁去改爲津貼辦公立法極爲美善近聞各省於津貼辦公之外復有巧取名目  
不曰節壽而實無異於節壽者殊堪痛恨相應請 旨飭下部院大臣如屬員饋送禮物非親戚故舊向  
有往來者卽指名參奏各省督撫嚴飭所屬如奏明有津貼辦公再職取節壽陋規者亦指名參奏庶廉

恥之道存而純正之才著矣又奏各部院司員見該管堂官向不准屈膝請安歷奉 諭旨甚明伏讀乾隆二十八年奉 旨禮義廉恥居官者立身之要雖不可妄行驕縱亦不可自處過卑以爲取悅上官之計著通行曉諭侍衛部屬接見本管官俱照例侍立回事即自行問候不過鞠躬致意已足違情盡禮等因又嘉慶八年奉 旨侍衛部院司員於本管堂官接見禮儀自有定分遇有公事祇應侍立回堂毋許屈膝請安以肅體制而杜諂諛等因欽此又十年奉 旨嗣後侍衛部院滿漢司員務當懷遵定例各知自愛倘再向該堂官屈膝請安該堂官據實劾奏倘徇隱不言致被科道糾參必將該堂官一併議處等因欽此仰見 列聖造就人才之意至深且遠乃煌煌 諭旨各部院竟有不恪守遵行查上年戶部尙書問敬銘到任後卽傳諭戶部滿漢司員不准請安一時尙氣節者歡欣鼓舞出而圖功雖大吏爲國求賢不僅在此一節而卽此一節亦足以轉移風氣而正取士之源應請 飭下各部院大臣遵照歷奉 諭旨轉飭該屬員等一併恪守永遠遵行以維風化而敦人品 上諭御史文海奏請正人心厚風俗以培養人才各摺片中外大臣於所屬各員自當量才任使秉公舉錯據稱近來往往瞻徇情面致啟夤緣倖進之風於官方吏治殊有關繫嗣後各部院衙門堂官各直省督撫凡遇屬員升遷調補以及派委差使務當破除情面悉心遴選以杜奔競而勵人才至屬員跪送節禮物向有明禁中外大臣自應

嚴加屏絕嗣後如有餽送禮物及巧立名目隱取陋規者卽著據實參奏至各部院司員見該管堂官向不准屈膝請安著該堂官等懷遵乾隆嘉慶年間歷次欽奉諭旨飭令該屬員等恪守遵行以肅體制○諭恩福奏熱河地方被水拯救災黎情形一摺據稱六月下旬連日大雨山水暴注迎水壩等處衝塌房屋甚多災黎無所棲止現經設法拯救等語小民猝遭水患蕩析離居殊堪憫惻著恩福會同李鴻章趕緊籌款撫恤並將漫溢積水設法疏濬務使貧民復業毋任一夫失所○諭翰林院侍讀陳學棻奏山東現辦賑捐請飭頒發實監執照並准捐輸米穀照銀抵算一摺著戶部議奏○諭載卓等奏估修未修工程現查續有情形一摺泰陵寶城磚塊續有賊閃情形著派徐用儀前往敬謹查勘具奏又奏河中衝刷橋梁道路請派大臣查勘一摺著徐用儀一併敬謹查勘奏明辦理○伊犁參贊大臣升泰科布多幫辦大臣額福與俄國分界大臣巴布闊福及撤裴索富在喀巴河賽里烏蘭奇巴爾會議科布多界約五條成○已丑諭游百川陳士杰奏外委搶險捐驅懇恩優恤等語千總銜候補把總山東齊東汛經制外委金玉璽於本年六月間因齊東縣東關外堤壩被黃水衝激異常險要該外委冒險搶工被溺殞命深堪憫惻著交部照軍營陣亡例從優議卹○湖北提督傅振邦卒賜卹如例○辛卯諭軍機大臣等岑毓英等奏添募勇營扼紮越南要隘一摺法越搆兵未已滇邊防軍自應加意扼守第法人並未與我失

和我軍總以剿辦土匪爲名未可顯露助戰之迹致啟衅端據奏山西城逼近江邊輪船在江中礮彈可及萬一法船上駛彼時我軍進止殊多窒礙岑毓英唐炯務當統籌全局相機布置俾法人有所顧忌而不致藉爲口實方爲妥善○諭都察院奏編修尹琳基等聯名以已故總兵遺愛在民請准建立專祠據呈代奏一摺陳國瑞前經降旨開復原官宣付國史館立傳著再加恩准其於山東立功地方建立專祠以順輿情○壬辰劉秉璋奏五月二十九日欽奉 上諭有人奏台匪金滿乞撫經台州紳民公具保狀該撫已准令投誠等語所奏各節有無其事著卽行奏聞等因欽此當將辦理情形附片奏明在案旋於六月十二日接據署台州府知府郭式昌稟稱據管帶越軍中營舉人王右人稟金滿金守龍悔過自新情願投効立功贖罪該舉人於六月初二日前往點名察其悔罪情切當經速一點驗册造百名作爲越軍新中哨以金滿爲正哨弁金守龍爲副哨弁以資督率該首民等感泣圖報立功自贖等情經 秉璋批飭該府會同統領溫台各軍記名提督楊岐珍親往點驗後編成一哨歸入越軍中營交舉人王右人約束操練恪守營規立功自効以贖前愆並據舉人王右人稟商前山六月十二日該署府郭式昌前往點名金滿率同諸人沿途跪接感激涕零自願力圖報効察其所留百名皆年力強壯堪以錄用並據提督楊岐珍轉據王右人稟稱是月十七日金滿派人拏獲要匪程老二一名送官究辦是其立功自贖具

有天良等語又經批飭台州府將該犯程老二訊供懲辦在案以上係辦理收撫分別安置之實在情形也臣等伏查爲治之道總以安輯地方俯順輿情爲最要金滿一犯怙惡多年罪無可逭而人係土著民愚切慮該郡紳民情關桑梓以其悔罪有心因勢利導挽回廩生謝夢蘭來省先赴兵部尙書彭玉麟行館叩謁直陳允其轉向臣奏稟商酌辦理以彭玉麟之威信素著聞其一言許可不但謝夢蘭深以爲榮卽台郡士民莫不欣忻鼓舞而金滿投誠之說通省皆知且以上達宸聰臣秉璋亦以彭玉麟老於軍事成竹在胸此舉無非爲綏靜地方起見瀕行兩申並有不可失信之語是以不揣冒昧仰體 皇仁好生之德開其一綫用示法外之仁經舉人王右人前山東臨邑縣知縣戴璠武生戴榮哨官陶錦華江西候補知縣徐春榮往返開導察其情真始准率眾來營及時自効所帶之人僅止一百名業已點驗入冊歸入越軍中營加以訓練俾獲範圍亦無他虞以後附近地方再有搶劫之案卽責成金滿隨時緝捕以期出力現在事已就緒合無仰懇 天恩網開一面 俯准金滿留營効力以順輿情而安地方實爲幸甚等因 恩深重斷不敢苟且目前自當隨時留心察看以弭後患 上諭前因浙江台州土匪金滿糾黨滋事迭經嚴諭該督撫派兵剿辦茲據何璟劉秉璋奏該匪悔過自新情願立功贖罪由台州紳民稟請彭玉麟轉商劉秉璋具奏乞恩懇准留營効力等語金滿怙惡有年種種不法核其罪狀實屬死有

餘辜本應立正典刑以伸國法惟朝廷除殘去惡無非爲綏靖地方安輯以民起見既據奏稱真心悔悟率眾來營並拿獲要犯送官究辦以抒其畏罪自贖之誠而該郡士民又爲灑情懇請尙可網開一面以示法外之仁金滿著從寬免死准其留營効力金守龍及餘眾百人均著照所議一併留營責令帶罪自効該督撫務當隨時嚴加約束如有不法情事定當從重懲辦並惟彭玉麟何璟劉秉璋及該紳士等呈聞○署吉林將軍副都統玉苑卒賜卹如例○癸巳 上諭 奏先嚴 壽皇殿行禮○諭畢道遠周家柵奏順天府屬被水情形並籌拯濟一摺據稱本年雨澤過多河水漫溢通州等州縣所屬村庄田廬被淹並有傷斃人口現在分別察勘等語京畿一帶地方被災甚重小民蕩析離居情形困苦朝廷實深廑念著李鴻章畢道遠周家柵迅速籌款派委委員前赴災區詳細查明妥爲賑撫務使實惠及民毋任一夫失所用副軫恤災黎至意○張夢元奏臣於四月初三日到工任事查接管案內光緒八年十一月前督辦船政黎兆棠任內接奉戶部奏定外省報銷章程第十四條內稱各省設立機器局並開辦船政局購買輪船機器外洋鎗礮電纜等件日新月異名目不一耗費尤多既無定例可循部中無憑稽核應請飭下南北洋大臣及設立機器局各省督撫暨船政大臣總計常年經費若干如有添購機器經費若干雖不能限以定數亦當立以範圍事前奏明報部立案事後方准核銷等因現黎兆棠業經明去蓋

使臣查船政常年用數視閩海關解款爲衡解款足則工程緊而用數多解款不足則工程緩而用數少  
量入爲出不能預定情形其添購機器一節自應隨時奏咨立案茲據提調道員呂耀斗稟稱現辦六年  
至八年前督辦船政黎兆棠任內銷案除已經奏明有案及例支各款外尚有添置機器各款應行照章  
聲明者一爲添置各廠機器添造各廠水缸爐座之款此款因年來製造船身並輪機水缸均有加大故  
各廠機器爐座有不敷用之處隨時由廠添配計添製機器約用銀二萬一千五百餘兩添造水缸爐座  
約用銀四千七百餘兩一爲修理鐵船槽並機器房之款此項因歷年久遠其木鐵件及機器等項不無  
損壞船槽爲修船所必需自應興修約用銀一萬三千五百餘兩一爲修拓巡海快船船臺並添蓋快船  
樣板房之款此款因前所造只費八十四一百五十四二百五十四七百五十四匹馬力各船所用現新造  
二千四百匹馬力快船殊不敷用若從新另造需費孔多故將一座舊船臺修理拓建並添蓋樣板房約  
用銀一千兩零星請具奏前來經臣覆查無異除咨部查照並飭另行便案造銷外合將應行照章聲明  
各款緣由恭摺由驛四百里馳陳下部知之○甲午諭刑部奏遵旨定擬太監王來禾罪名一摺王來禾  
著其其一死發往黑龍江永遠監禁遇赦不赦此係法外施恩嗣後太監如再犯偷竊之案定當執法嚴  
懲勿謂寬典可倖邀也○丙申諭翰林院侍讀盛昱奏兵部尙書彭玉麟奉命勦月延不到任該尙書抗



詔鳴高不足勵仕途退讓之風反以開功臣驕蹇之漸請飭迅速來京等語前據彭玉麟奏請收回成命當經降旨諭令該尙書俟病體稍愈卽行來京日久未據奏報北上該尙書當已就痊著遵前旨卽行來京勿再遲延○諭御史黃兆楨奏請將陣亡殉難之外委等分別旌卹等語外委肅翼駿並肅業氏沈陳氏均著交部分別旌卹○丁酉黃體芳奏查例載清釐籍貫區別流品實在屬保局中人不容遷就局外人更不得主張上年十一月據民人王匯川稟稱住居寶應置產完稅已逾百年身子壽民在寶與考三次本屆突有耆童朱昭煌等以該民人身家不清山高縣賈寶籍控縣阻考來轅懇飭究誣等情臣檢閱呈到糧串寶係住寶數世且與考亦有年稟保從無異議因批飭寶應縣照舊收考旋據寶應廩生耿植等稟縣轉詳援引學政全書所載嘉慶九年蘇縣職監江國龍之子江海寧不准在寄籍休寧考試一案爲同府不得移籍之證臣以其言有據隨於飭府議覆之後批令該童仍歸縣籍應試以符定例並查取該童前三次應考所有認派各保姓名分別飭懲以爲兩歧者戒詎本年三月間據署揚州府知府黃波轉據寶邑廩生刁崇謙等稟稱王姓土著已久請仍准入籍六月間又據該府等爲王壽民代求在寶應考試以順人情先後情節支離殊堪詫異臣訪問詳悉王匯川以業賈積有餘資垂涎者衆而其中之忽操忽縱皆在籍候補道朱壽鏞陰主其事案關鄉紳把持學校不得不將先後原委據實上 開查

朱壽鏞籍隸寶應由諸生爲郎供職刑部奉 旨交河南軍營差遣歷保今職以丁憂回籍現已服闋上年臘月因 臣批准王壽民考試意殊不平其時因事赴蘇道經常州囑其親戚無錫縣知縣汪祖綬於公事稟兩中附呈所繕節略一扣據稱王匯川係爲高郵皂役王松之兄身家不清前學政夏同善任內曾經生童呈控等語 臣衙門存冊具在前院并無此案且兄弟本無相及之條又稱該縣訓導丁椿年與王匯川素有往來因令伊子冒考寶籍等語地方官查籍最嚴教官縱有私情豈守令甘坐通同之罪至云閩邑紳士均深惶悚不免挾衆爲名 臣知其起意有因本年正月申旬出署試蘇丹過無錫而論該縣以此事非該道所得干預宜令自重乃三月間寶應附貢祁炳文遣姪汝楫呈稱伊爲學徒王壽民試事與朱壽鏞口角因被誣陷蒙縣訪拿附呈該職親筆家信內有此事已回明撫院及藩臬兩司轉告學院批令該童原籍考試並囑其弟往昭知縣梁枚問其請飭該童歸籍詳文何以至今不出等語事涉招搖亟宜根究經 臣檢錄原案行知江蘇按察司核案秉公質訊茲據江蘇按察司許應鑠會同江甯布政司梁燾輝轉據揚州府知府黃波委員候補知府楊峴將訊由詳覆前來 臣查閱各件多與原案不符而朱壽鏞道丁所遞親供謂係誣捏王姓考試職員並未與聞夫家信之真否原無確憑以職官非比士民可令當堂核對筆跡也至該職赴蘇前後張皇其事借以恫喝鄉愚實所不免今乃以並未與聞了之則節

略尚在。手將誰欺乎。查童生朱昭煌係朱壽鏞之姪。此案先由該童移難廩生耿植等復隨而和之。及集訊之時。供稱童初次考試。輕信人言。王匯川父子身家籍貫之不清。是以誤控。夫以初試之童。生輒敢挑拾傳聞。倡行訐訟。爲各廩生之前導。非倚仗家勢而何。而該職之節略中。亦敘朱昭煌等。原縣一層。但不明言其姪是該童之爲。該職指使無疑矣。廩生耿植朱壽鏞之妹婿也。應充光緒五年恩貢。迭催來考。上年歲底據該縣以該生十月間患瘧疾。十二月眠食俱廢。病勢垂危等詞詳報。臣如詳寬限並飭未考。與之前不准仍充廩保。乃原縣阻考一案。該廩生即係首名。核其時日。正在十二月病危期內。考員則逡巡落後。控人則踴躍爭先。而稟中情節與朱壽鏞節略大同小異。是該廩生之爲該職懇恩無疑矣。附貢生邢炳文以教唆詞訟。經臬司札飭訪拿。身在押所。竟令其姪戴人家信何等狡險。原稟云事關各憲官聲未敢容隱。明是徇制。聲口何等刁悍。忽因該府等據朱壽鏞家丁呈供。驗明字跡低首下心。違供誤認。誤控而稟中明有虛甘僭罪。切供該府等亦絕不加詰。竟謂所供近情。請免置議。意在袒護鄉紳。因並開脫。訟棍此中情弊。灼然著明。知府藐視學政。猶可說也。問官藐視上司。不可言也。近來承審官一味徇私。此其佐證矣。此案人證除邢炳文另有訪件。應歸地方官懲治外。其童生王壽民寄籍雖久。有籍可歸。原詳爲其父王匯川籲求在寶應試一節。自難曲徇。該童應照同府不准寄籍例。擬仍飭回郵考試。不得

再跡竇籍其應以廩生耿植避竇與訟經臣批飭在案原詳僅敘該生阻考之故而於上年歲底患病告假緣由顛預不問該廩生應從寬照考實有意宕延例開除廩缺永遠不准考貢其各廩保申王煥祖一名係初試所保廩生後復引學政全書赴縣具稟反覆已甚原詳未經剔出概據衆供書生未悉官書爲辭吏屬矛盾該廩生應比照僧代等弊不及時舉出例從寬開廩降附童生朱昭煌前云據聞今云誤聞原詳供年二十九歲既非無知少年又係世家子弟豈外人所得而唆弄該童聽叔指揮於稟控冒籍外復以身家不清任意污衊照控告不實例擬從寬扣考一次以儆效尤以上皆學政應辦之事臣當按例飭行惟朱壽鏞職係監司士林屬目該郡人心浮動當思有以維持之區區寄籍一童生何至令舉國若狂總擾不已始則簸弄繼則招搖終復推卸心術變幻居鄉如此何以居官然事或無關學校自有本省各大吏在非臣所知而考試係臣專司若皆由大鄉紳從中把持豈但學使無權將功令可以不遵士習必因之大壞且朱壽鏞呈節略倡言該童生王壽民考事其於被截家信何所顧忌至臨訊供單不但將此信脫卸並考事亦推未與聞難保無得由轉關情事現聞已赴河南臣以其職分不小未便再札兩司行文傳質如聽其逍遙事外無所儆懼而風氣所繫臣實不敢含糊其應如何示懲之處伏乞 飭下兩江總督江蘇巡撫調查臣衙門案卷核議覆奏候 旨施行以儆官邪而靖士氣 上諭黃體芳奏在

籍道員把持貢試承審官過涉含糊請飭核議一摺據稱寶應童生朱昭煌等稟控王壽民冒考一案在籍候補道朱壽鏞陰主其事業據承審官會訊詳覆意在袒護鄉紳開脫訟棍等語著左宗棠衛榮光將此案確切查明核議具奏原摺著鈔給閱看將此各諭令知之○丁酉諭毓楠等奏應行急修工程請派大臣查驗一摺 昭西陵隆恩殿等處工程現有滲漏坍塌情形 孝陵大碑樓垂脊被風刮落傷損簷瓦著派景嵩一併敬謹查勘具奏○諭毓楠等奏上年因修永濟倉廩奏准由直隸藩庫借撥銀六千七百四十四兩零以備工需僅領到銀二千兩請飭全數撥發等語該處倉廩現在尚未竣工需款甚亟著李鴻章飭令藩司迅將欠發銀兩無論何款先行全數撥發俾資應用○以景廉爲內閣學士○戊戌諭前據已革御史戴彩大理寺少卿劉緒先後奏參呼蘭協領巴彥孟庫於聖地一案設局斂資恣意誅求各節當諭令文緒確查具奏業據奏稱請將巴彥孟庫先行解任歸案質證茲據文緒等奏稱據稱已革鄉約潘廷恩於光緒五年九月間斂錢進京面見御史英俊交付銀兩商辦條奏並有部書金姓設法求免花利各事民人張作霖呈出信件附有英俊奏底核與六年九月間該御史奏請查辦開禁通肯荒場鈔給定安賜看之件相符等語案關官得賄勾串而應澈底根究著刑部於此案要犯潘廷恩等解到時確切嚴訊據實具奏御史英俊著該旗卽行看管聽候質訊載彩劉緒有無別項情節並著聽候傳質

○壬寅賞給京師八旗及綠步各營官兵及食餉之閒散宗室覺羅人等並宗室覺羅孤寡半月錢糧五  
城鄉願命加展兩月先期開放○諭本年六月以來雨水過多前於上月二十九日親詣 大高殿拈香  
並派惇親王奕誥等分詣 時應宮等處拈香仰蒙 昊慈眷佑即日晴霽實感實深日來又復大雨誠  
恐秋稼有傷席念民依曷勝焦灼允宜虔申祈禱以冀時暘謹擇於二十六日朕親詣 大高殿拈香  
時應宮著派惇親王奕誥 昭顯廟著派恭親王奕訢 宣仁廟著派惠郡王奕祥 凝和廟著派貝勒  
載澂同於是日分詣拈香以迓天和○諭科道為朝廷耳目之官補闕拾遺是其專責宜如何砥礪廉隅  
束身自愛茲據御史劉恩溥奏滿漢科道賢否不齊難保無宵小私作摺底借名撞騙等語此風斷不可  
長嗣後如有攜帶摺底向人恐嚇者准將原人原稿扣住立即送交該地方官從嚴懲辦以儆刁風該科  
道等亦當各加慎密自顧聲名庶不致為旁人所影射也○諭御史劉恩溥奏京城旗民婦女開設煙館  
賭局等情蘇州上海杭州等處亦有婦女開設煙館拐販情事請將犯罪婦女量予監禁等語著刑部妥  
議章程具奏○諭給事中鄭純嘏奏請旌表貞節婦女等語李祝氏閻升氏吳周氏韓蔡氏吳王氏吳李  
氏吳馮氏均著准其旌表○諭前因張樹聲奏調已革鹽運使洪汝奎差委營經降旨允准旋據張之洞  
奏調仍諭令發往廣東差遣茲據光祿寺少卿延茂戶科給事中鄭純嘏先後奏稱廢員棄取錄用臣下

不得奏請並據驛純嘏奏該革員轉回後潛赴天津急於奔競等語洪汝奎著毋庸發往廣東差遣○諭軍機大臣等有人奏貴州學政孫宗錫嗜好甚重場規鬆弛考試安順府時輒因供給將蔣定縣知縣彭億清之姪鎖押用刑並將童生重用刑杖索取規費勒捐銀兩修整考棚實則賄入私案等語並前任學政林國柱有需索供應濫收冒考各款著岑毓英一併確切查明據實具奏原片著鈔給閱看○奏明上詣 壽皇殿行禮○甲辰以洪鈞為內閣學士○丁未諭前據文緒等奏離京三等侍衛廣音布於光緒六年十月間經侍衛處奏明回籍祭掃現於五月初一日私帶甲兵徑行赴京並不聽候奏咨據該奏參當令該管大臣查明具奏茲據禮親王世鐸等奏該侍衛並未到京等語廣音布在籍起復不候奏咨辦理現據查明並未來京種種情節殊屬荒謬著照文緒等所請即行革職○諭都察院奏浙江生員鄭鳳輝戴鹿牲各以書吏造串私微等前赴該衙門呈訴案關偽造印串私微病民亟宜澈底根究著劉秉璋親提人證卷宗秉公研訊確情按律定擬具奏原告生員鄭鳳輝戴鹿牲該部照例解往備質○諭御史丁振鐸奏請旌表節婦烈女等語節婦宗孫氏高黃氏熊陶氏烈女趙義姑均准其旌表○諭軍機大臣等浙江於潛縣向產白朮近聞安徽黃山所產白朮亦有佳者著劉秉璋酌量採辦天牛野朮不拘多少解交內務府應用將此各諭令知之○是月荷蘭國使臣費果孫如香港副使來因代辦使

事尋回任

八月戊申朔諭徐用儀奏遵查工程請旨辦理各一摺所有 泰陵寶城工程著原派承修之大臣瑞聯

許應鑾敬謹承修 西陵橋梁等工程著派本年承修另案工程之大臣文煜張澐卿敬謹承修○祭

社 稷壇遣隆勲恭代行禮○劉秉璋奏浙江省城地面五方雜處良莠不齊兵燹以後元氣未復民多

失業無賴之徒日則沿街訛詐夜則鼠竊狗偷良懦小民咸受其擾卽官爲拿辦亦不免朝釋暮犯且若

輩既無衣食之資又乏父兄之教一日不訛索偷盜卽一日不能得生邪僻之爲由無恆業所致其人雖

甚可恨其情亦殊堪憫光緒五年間地方紳士擬請設所收養酌議章程由司核明詳經前撫 臣梅啟照

批准設立巡警公所由同善堂董事籌備經費遴派委員駐所管理選舉公正紳董支發錢米凡無業游

民訛賴匪徒及掏摸小竊各犯由府縣暨保甲局審明並無重情者卽送該所收管酌予衣食勒限戒除

舊習就其習性所近令習手藝勤勤懲悔勉以自新遇有疾病爲之醫藥每逢朔望由委員按名俾出訓

切開導並延鄉約宣講 聖諭廣訓暨刑律諸條真心悔悟之人隨時勘察令其各就所習手藝出外謀

生或令原籍家族領出教約不准仍聚城市復蹈故轍數載以來市廛得以又安匪類知所革化辦理著

有成效於地方實有裨益由藩臬兩司會詳呈請奏爲立案以垂永久前來 臣覆查無異除將原擬章程



鈔摺咨部立案外理合恭摺具陳下部知之○已西驗繼格孫毓汶奏剿船戶盜米一案遵照部議並酌  
議變通辦法一摺剿船戶偷盜米石虧短正供積竊已深自應從嚴懲辦以昭炯戒著照所請將盜米六  
十石以上飛船逃走之尹占升定為絞監候自獲案之日起按照例限追贓分別辦理盜米三四十石之  
楊興榮等九犯照例科罪分限追贓如兩限不完例應發配者酌予監禁勒追必須全數完繳再行減等  
發遣軍流以下人犯均不准查辦留養倘有全船盜竄情罪重大及拒捕逞兇人犯即著奏請正法○諭  
恩福等奏熱河山水漲發武列河石壩衝決國庫牆垣泊岸及各處堆場多有傾圮請飭直隸總督派員  
一併勘估等語著李鴻章即行遴派委員前往熱河詳細勘估奏明辦理○庚戌諭御史黃兆燾奏請旌  
表節烈貞孝婦女等語節婦許金氏金劉氏嚴徐氏嚴蔡氏蕭宗氏顧蕭氏李王氏周沈氏王閔氏王唐  
氏李黃氏烈婦曹嚴氏烈女宋氏貞女費嚴氏吳丁氏蔣周氏屠董氏孝女張鴻秀朱福珍均著准其旌  
表○延煦等奏會典一書肇始康熙二十三年續修於雍正二年乾隆十二年嘉慶六年康熙間七年成  
書雍正間九年成書乾隆間十八年成書嘉慶間十七年成書蓋制作愈詳考訂愈密雖書成雖速相懸  
然大要以十年為律未有不開館進書者也自嘉慶朝以至同治相距五十餘年承 列聖之誥謀合  
四朝之閱見大方小策允宜勒為一書以昭法守是以醇親王有重修會典之請旋經內閣等衙門會議

援照嘉慶六年舊例先令在京大小各衙門將嘉慶十八年以後案件檢查編次事繁衙門予限三年事  
簡衙門予限二年再行奏明開館辦理畫一等因於同治十二年正月具奏奉 旨依議在案現今距奏  
准立限之日已閱十年限期久滿各部院新修則例有已編次者有未編次者若聽各衙門之懸宕而不  
開專館以定責成深懼歲月虛糜汗青無日始非所以重典章而降述作也查嘉慶年間所設章程雖有  
例案分辦之議而慎擇纂修酌定館局即經同時具奏旋經 簡派總裁開館辦理其原奏大旨以會典  
爲 朝廷遵守之書爲期幾五十載倘不勒限趕辦勢必曠日持久難於成事此次開時已六十餘年所  
有斟酌損益儀禮制度之事較乾隆嘉慶 兩朝爲繁至今總裁何人館局何地尙未議及日復一日案  
牘不無散佚文獻不足詳徵始因循終歸外漏伏思 穆宗毅皇帝 實錄本紀 聖訓均已次第編  
輯刊成應及是時敬遵 前訓舉辦續修會典事宜可否請 旨飭令大學士九卿等再行集議將會典  
館正副總裁等官查例 簡派酌定開館章程以聚綱領而使編摩以開館日爲始再立年限勒核功課  
修明顯章使大經大法罔或失墜亦 聖人繼志述事之基也 上諭都察院奏續修會典事例請飭妥  
議開館章程一摺續修會典必須各衙門則例修輯完備方能編纂成書著各該堂官等將飭司員將所  
有稿件悉心編次俟一律告竣再降諭旨○命麟書兼署戶部尙書○命瑞聯署理正白旗漢軍都統○

辛亥諭李鴻章等奏順直災區頗廣災情所知甚鉅懇准添撥銀米一摺本年順直直隸所屬之武清等州縣被水成災小民困苦情形殊堪矜憫加恩著照所請除由直隸截留江北漕米內撥給順天所屬三萬石外再由東倉添撥米四萬石以資賑濟其直隸所屬應賑災區除撥給江北漕米不敷尙多著再將奉天運通粟米一萬四千七百八十餘石全數撥給至所請撥給順屬部庫銀五萬兩之處欽奉 慈禧端佑康頤昭豫莊誠皇太后懿旨本年部庫撥款甚多未免支絀著戶部即將此次中秋節應進宮內款項撥抵應用毋庸呈進欽此李鴻章等道遠周家相卽飭各該地方官等趕緊確查被災戶口核實散放妥爲辦理務使實惠及民不准絲毫弊混用副軫念災黎至意○科布多幫辦大臣額福與俄國分界大臣撤裴案富在阿拉克別克河口會議科布多新界約記成○壬子諭卡寶第彭祖賢奏查明湖北各屬被水民情困苦請行截留漕米賑撫一摺據稱本年六月間長陽興山宜都等縣蛟水陡發沿河民田廬舍廟宇均被淹沒衝塌甚多又雲夢潛江江陵等縣亦同時被淹現已委員查勘分投賑撫等語覽奏被災情形小民蕩析離居殊堪憫惻著照所請准其截留湖北冬漕採運米三萬石並隨漕耗米等項俾作賑需其餘被淹之孝感等州縣仍著卡寶第等查看情形分別辦理用副朝廷軫念災區至意○賞給蔣濟堂功德林兩處煮賑米石又賞給蘆溝橋粥廠資善堂暖廠米石○諭御史謝謙亨奏請旌表烈婦等

語陳吳氏著准其旌表○諭李鴻章奏永定河南五口漫口在工各員分別參辦並自請議處一摺據稱本年六月間大雨連旬河水盛漲經該河道實力防搶尙稱平穩自七月二十三二十四二十五等日連次大雨如注水勢陡漲南重工十七號大溜衝刷漫隄而過人力難施二十五日卯刻奪溜成口等語此次永定河漫口雖山水勢迅猛所致在工各員究未能小心防護咎無可辭南五工永清縣縣丞沈培源著卽行革職三角淀通判李占春著革職留任永定河道游智開統轄全河疏於防範著革職留任李鴻章督率無方著交部議處卽著該署督嚴飭在事員弁迅將決口趕緊堵築毋稍延緩其上游各汛及文安縣隄工並著加意防護被淹地方該署督務當妥爲撫恤毋任失所○乙卯熊景釗奏天下大政總於大部要務分於各司司員盡能得人部務自當日起近年以來各部大員之不稱職者朝廷悉屏退矣而部務猶未振興則堂官於所屬各司縱有敗類不卽嚴參不肖者無所懼懲潔修者無由表異也伏願

仁宗睿皇帝諭旨有云近日堂司各官雖比前稍知檢束奔競之風恐未能改積習相沿狂瀾難返諭旨又云衆所獎許者拔之衆所屏棄者黜之以公心辦公事勿存私意聖訓昭垂該大臣等所當遵守乃三年京察幼少舉多平日又復無所論能方今吏治日弛度支日絀典禮日疏軍政日繁獄訟日滋興修日亟無部無事無事無弊視嘉慶初年國家全盛物力人才相去萬萬而各部大臣所拔識二三

司員果皆衆所獎許乎至黜革則未有所聞豈其漫無覺察乎臣愚不敢謂諸大臣中盡徇私而鮮公然或牽於年鄉世誼之情或徇於趨承使令之便殆亦不免夫彈違糾謬責任臺司各部弊端臣有風聞不難臆舉特思該大臣等日與司員相習性行心術知之較深若能先自汰除不負朝廷倚任之意則司員咸知奮勉速求自新自不煩言路糾彈矣若必俟其貽誤既深臺臣指摘該大臣等問心何以自安伏求飭下各部大員嚴加考核不俟京察隨時訪實立即糾參庶劣跡昭著之人不復得淆流品上諭御史熊景釗奏請飭各部堂官嚴核司員一摺各部司員有分理部務之職必須潔清自矢勤慎趨公方爲稱職近來部員較多賢否不齊難保無營私舞弊者濫膺其間亟應從嚴甄別著各部堂官於所屬各員隨時考察如訪有劣跡即行據實奏參以清流品○丁巳祭先師孔子廟遣靈桂行禮○左宗棠奏請將安徽婺源縣所建前通政使劉典專祠列入婺源縣祀典允之○戊午文緒祿彭奏黑龍江各城出征官兵由徵所陸續帶來民丁子弟曾於光緒三年恭奉諭旨飭令查明酌給川資遣回原籍當經調任綏遠將軍興紳飭查共有五百八十六名或由賊內救出或家屬離散投營服役幼小無知僅悉籍貫願回者四十八名酌給川資送回其無籍可歸仍在原帶官兵家服役有給奴女成家者亦有外謀生計者該官兵於奉旨後雖不敢鞭扑奴使第以良民子弟家遭離散遠役前來久羈官兵戶下散漫無所

編管將不世爲奴僕而不可得殊爲可惜奴才等現復飭所屬清查除病故逃走外仍有五百一十八名造冊呈送前來查乾隆四十四年發遣人犯隨帶子女在此結親並家奴隨主出征得力兩項人丁太多經將軍富玉奏奉軍機大臣議准一體編入各屯管束建立屯莊發給牛隻令其交糧接濟官兵等因在案今此項幼丁乃係良民子弟較遣犯子女家奴尤爲清白擬請援案編入有官屯之黑龍江齊齊哈爾黑爾根呼蘭等四處屯官管束人丁無多現無庸發給牛隻以節經費其有願身力耕種再行隨時查明酌撥牛隻照例交糧黑該丁終身不致沒爲奴役開其自生之路且將來或有妻妾生有子女丁戶日繁交糧愈多於邊防儲備實屬大有裨益下部知之○諭倉場侍郎游百川著卽回任所管山東黃河工程卽著陳士杰督飭各員認真辦理以專責成降調山東按察使潘駿文著交陳士杰差遣委用○賞給外城喇嘛米石並令按照原領米數加給兩月○己未諭降調浙江按察使陳寶箴奏交鄧臬篆並濫陳愚惛一摺據稱張佩綸所奏該員到京日營營於承審各官之間彌縫掩飾一節懇請飭查等語降調人員本不應曉曉瀆辯惟所稱名節有關若不查訊明確無以折服其心著派閩徽銘查傳承審各員有無與陳寶箴往來情事據實具奏○諭景嵩奏遵查工程請旨辦理各摺片所有 昭西陵 降恩殿等處工程著派本年承修另案工程之大臣張之萬貴恆敬謹修理 孝陵大神樓工程著工部查明向例辦理

孝陵七孔橋工程仍舊緩修理○九御史萬培因奏請予烈女周汀姑旌表○諭光祿寺少卿延茂奏散打管見一摺各直省閭閻刑衙門承審案件自應虛衷研鞠以持情法之平何得草率定擬致有失入情事若明知案情不確或迴護原審或規避處分以致冤及無辜尤屬不成事體嗣後著各該督撫督同臬司於人命重案悉心推勘毋枉毋縱所請現辦各案如有失入情節准其奏明更正寬免處分之處著刑部議奏至各省京控案件自當趕緊訊結豈容任意遲延著各該衙門認真稽核如有逾限不結者卽著隨時參奏○頒給山東濟甯州 城隍廟匾額○庚戌金順等奏上年十月間伊犁東北山黑宰哈薩克薩三伯里德克巴依柯等率領大小頭目二十餘人並毡房三千餘戶前來遞稟投誠奴才遵照條約或願居原處爲中國民或選入俄籍爲俄國民者均聽其便之語明白曉示並行文咨照俄官等因光緒八年七月初八日奏明在案伏查此項黑宰哈薩克舊屬塔爾巴哈臺參贊大臣管轄奴才曾經咨會錫綸派員收回安插嗣准咨復塔爾巴哈臺無地安插等語該哈薩克等既窮困來歸似未便阻其向化之誠暫令在博羅塔拉北山一帶住牧交察哈爾領隊大臣就近管束以資籠絡查舊制伊犁哈薩克布魯特頭目中如能辦事勤勉管理所屬人衆者放爲阿哈拉克齊准其戴用二品至六品頂翎歷經遵辦有年現在黑宰哈薩克頭目等自輸誠以來一年之久管理屬下人衆均屬相安奴才當將該哈薩克頭

目薩克巴依柯等傳喚前來當堂稿賞均撥放爲阿哈拉克齊藉資約束其小頭目二十餘人均賞給茶布並諭飭安分游牧毋得滋生事端該哈薩克等叩頌 皇仁歡呼靡已奴才看其感激情形出於至誠可否仰懇 天恩俯准將該哈薩克頭目薩三伯里德克巴依柯等三名均放爲阿哈拉克齊並請 賞戴三品頂翎以示懷柔出自 逾格鴻慈待 旨如所請行○辛酉諭內閣奏職官在逃請革職嚴緝一摺中書馬星聯前有旨交刑部傳訊乃該中書於刑部片傳之時竟敢潛避無蹤顯係情虛畏罪馬星聯著先行革職交步軍統領衙門順天府五城御史一體嚴拿務獲並著浙江巡撫行令該原籍地方官嚴密查拿一經訪獲卽行送交刑部歸案審辦○諭前因順天直隸所屬各州縣本年被水成災迭經降旨撥給漕米庫銀以資賑濟惟直隸被災甚重尙恐撫恤難周小民困苦情形朝廷實深慮系著戶部再撥庫款銀五萬兩解交李鴻章卽行遴委賢員會同地方官趕緊確查被災戶口核實散放倘有不敷並著於藩庫無論何款酌量提撥接濟○癸亥諭吏部奏遊議處分一摺翰林院編修林國桂於光緒五年服滿起復到京浙江巡撫所給咨文係填寫四月十一日期該員卽於是日在翰林院投遞於十五日在吏部散卷之堂官處面遞文粘得與考試其爲先期請咨預填時日情弊顯然林國桂著照部議卽行革職前浙江蕭山縣知縣龔鳳岐開缺浙江巡撫前江浙布政使任道鎔已革河東河道總督前浙江巡撫梅



啟照應得降一級調用處分均著照所議辦理前署吏部左侍郎內閣學士徐致祥應得降二級留任處分著准其抵銷○乙丑諭軍機大臣等法國兵船無聽其進口務在黃埔以外設法阻止力與辨論方纔素頗勇往著調回省廣東本年應解京餉均著截留該省俾濟要需沙面和界一案著該督撫迅速持平辦結認真彈壓毋任再滋事端並先擇要電知○丁卯諭御史劉恩溥奏婦女請旌及陣亡殉難各員請卹請飭部妥議章程定限彙題等語著該部議奏○王麟祥奏查例載佐雜不許准理地方詞訟恭讀道光十九年上諭御史陳文藻奏請嚴禁州縣濫委佐雜斷案一摺州縣爲親民之官所有自理詞訟自應親自審斷若如所奏外省巡檢典史等官營求濫案州縣徇情濫委巧避擅受之名實與擅受無異不可不嚴行禁止等因欽此仰見聖主軫念民生極爲周至近聞近年以來印官仍復濫委佐雜公然擅受以餽送之多寡爲事理之曲直富室恃雜佐爲鷹犬貧民畏佐雜如虎狼伏思閭閻一分之脂膏悉關國家一分之元氣豈容此等劣員朋比賤例乃列聖已降諭旨而擅受仍蹈前愆臣推原其故實由愚民不諳例文官吏易售欺隱遂使上澤不稷下沐可否請旨飭下各省督撫嚴飭各州縣將道光十九年上諭一道恭錄勒石俾小民共聞共見並飭速取所刊碑摹送院查察庶濫委擅受之弊從此永遠革除矣上諭御史王麟祥奏佐雜人員例不許准理詞訟自道光十九年奉旨嚴禁後近年以

來仍有印官濫委任雜擅受情事請飭禁止等語州縣爲親民之官自應親理詞訟若如所奏各情殊屬有干例禁著各直省督撫恭錄道光十九年 諭旨嚴飭各州縣勒石永禁嗣後如有濫委擅受各弊卽著嚴行參奏○諭御史劉恩溥奏京堂衰庸懇請旨休致一摺大理寺少卿劉緒著卽休致其前參呼蘭協領巴彥孟庫一案有無別項情節均著聽候傳質○允給事中秦鍾簡奏請予節婦周蔡氏等旌表○允鍾佩賢奏請予節婦夏孔氏旌表○戊辰諭前據降調按察使陳寶箴奏張佩綸所奏該員到京日營營於承審各官之門彌縫掩飾一節懇請飭查當降旨派閣敬銘查明具奏茲據奏稱承審各官除簡放外任及稅差外傳到員外郎廷杰趙舒翹陳惺馴各員呈遞親供並無陳寶箴往來情事復加訪察亦無確據此事既無確據卽著毋庸置議○己巳先是法人攻陷越南順化迫立條約十三款其文曰西歷一千八百八十三年八月二十五日大法國欽差全權總理大臣夏越南欽差全權大臣代越南王議訂和約十三款開列於左一越南認依大法國保護越南及東京二平定一省永爲法人土地受法人管轄三文嘉一帶爲法人駐紮之處再瑞安礮臺永歸法人四飛文調回東京所有越南駐防軍其守東京兵俱當去刀辟甲與平時無異五飛諭越南各官均當赴任理事惟各官員之赴任者須經法執事者查驗允許方可准行六安南諸城準須有法兵駐紮以保護法人寓諸城準者七安南關稅餉項悉歸法人管

理八西貢至河內設立電綫以通消息九法人可永遠住寓安南順化京城十法國欽差可與安南國主面見議事十一紅江一帶法兵設營駐紮防守法人可隨時於諸要處設造礮臺十二凡英洋及安南所鑄銀錢均准通行一國之中十三錢糧通商諸事以後再議至是 上諭軍機大臣等法越搆兵一事法人自攻佔順化河岸礮臺後迫脅越南議約十三條該國情形危急法使脫利古現乘兵船來京並有大隊兵船至廣東尋釁之說惻惻要求詭計叵測南北洋防務均關緊要亟須實力籌辦以期有備無患廣東兵力單薄守禦尙虛著彭玉麟酌帶舊部得力將弁酌量招募勇營迅速前往廣東會同張樹聲裕寬妥籌布置該尙書接奉此旨後卽行部署起程毋稍延緩南洋海防著黃成左宗棠悉心規畫妥慎辦理長江防務著黃成左宗棠李成謀督飭各營認真籌備均不得稍有疏懈北洋防務著李鴻章懷遵本月十九日諭旨速卽籌議復奏前據吳大澂奏吉林所練防軍堪以抽撥民勇三千人聽候徵調等語著諺京卿卽行統率此項勇丁航海來津以備調遣現在事機喫緊該大臣等務當悉力經營妥速辦理以裨大局○庚午 夕月於西郊遣載勛行禮○諭內閣學士周德潤奏各省平反重案請飭循例保題等語各直省遇有關係生死之案全賴審轉各官虛心研鞫確得真情方無屈抑失入者既經隨時嚴懲平反者自應量予獎勵嗣後各直省審轉各官如能平反大案卽著該督撫奏明送部引見以重民命而示

鼓勵○諭潘蔚奏清查白鹿洞書院田租及籌整頓事宜並請頒額區一方江西南康府白鹿洞書院年久失修現經該撫委員修理並籌費增課俾得肄業有資著南書房翰林書寫匾額一方交該撫祇領懸挂用示嘉惠士林至意○辛未諭軍機大臣等法越搆兵久未定局現聞越南通順化之河路兩岸礮臺被法兵攻克越兵死傷甚衆越人已請法停戰議和遣使赴越京商議似此情形越南近日更屬岌岌可危著督飭防軍嚴密扼守務須聲勢聯絡俾法人有所顧忌庶可折其兇鋒法人既有赴越京商議之說將來追尋要挾如何立約正難逆料劉永福一軍果能始終扼紮越南尚可圖存該督撫等隨時斟酌相機應付以顧全局是爲至要○諭軍機大臣等法越搆兵以來北圻越兵雖屢次獲勝而河內未經克復法人據此要害之區北圻終難自固現在法人直逼順化迫脅越南議約法使脫利古已至天津並有以兵船至廣東尋衅之說無非意存恫喝肆其要求惟有堅持定見以折其謀但彼族詭詐多端非空言所能攝服全恃邊防之能否得力以爲操縱近日河南一帶軍情若何越軍有無戰事著岑毓英倪文蔚唐炯徐延旭確探情形督飭在防各軍嚴密扼守不可稍涉鬆勁○壬申譚承祖奏安民之道必先除害今天下之害民者莫甚於州縣之書吏差役其貪毒之性酷於虎狼其狡詐之情黠於狐鼠假威倚勢變幻無窮專務害民不遺餘力而其害民尤甚者莫如設鄉徼以圖厚報借傳案以搆飛鄰任意追求無端嫁

禍窮兇極惡爲害實深凡州縣徵收錢漕地丁均應該戶自封投櫃完納然必有經手書差遂往往從中作弊或肆行包攬而藉以侵吞或先爲墊完而取價數倍甚或已經蠲免而俟經年後仍復帶追或既已緩徵而俟輸納將齊始行告示弊端百出已極難防乃近時如江西之吉安贛州建昌等府屬當徵收之時則書吏將催票裁去令其子弟及其親友等攜票帶領圖差分赴各鄉設立公所催徵錢糧彙齊解縣謂之鄉徵於各戶應完之數每斗每升加錢若干文每戶票每張索錢若干文易知單每張索錢若干文其鄉民之家資稍厚者雖所有應納錢糧概已完清而本姓或本村有欠糧者便勒令包完必得重賄乃免否則誣以把持扯送管押又於其間因事嚇詐魚肉鄉愚情弊多端不堪枚舉至於詞訟案件書差奉票傳人輒向兩造需索差錢多者至數十百千文若有命案前往相驗書吏役總差役等動卽百數十人蜂擁而來責令預備飯食供應夫馬器用什物恣意掠取又勒索檢驗經費往往至數百千文又借傳訊鄰證之名擾及同村居民以邀厚賄若有殷實之家但在數里內者必自計株連指爲鄰右名曰飛鄰而因以恣其訛案苟非有以滿其欲而給其求則誣賴多方濫行拖累以傾其家今之民困極矣尙能堪此擾害乎凡此皆書差之弊恐不獨江西爲然若不認真禁止予以嚴懲將積蠹無由除卽地方無由靖可否請 旨飭下江西撫臣及各省督撫查禁懲辦以安民生 上諭御史譚承祖奏州縣書差藉端肆擾

請飭嚴禁一摺據稱江西吉安等州建昌等府屬徵收錢糧書差攜帶糧票赴鄉催徵加索錢文鄉民家資稍厚者勒令包完本姓及本村欠糧多方嚇詐詞訟案件輒向兩造需索每遇命案勒索相驗經費恣意擾累等語書差藉端訛詐實爲地方之害著藩臬督飭所屬查明懲辦嚴行禁止此等情弊他省恐亦不免著各該督撫一體認真查禁以安閭閻○癸酉諭順天府奏援案展設各鄉鎮粥廠一摺本年近京一帶被災甚重貧民餬口維艱應卽添設粥廠以資賑濟著照所請於定福莊黃村龐莊采育孫河清河添設粥廠六處加恩賞給粟米一萬石自九月十五日起開廠散放著派英煦白桓徐樹銘文碩奕年延茂前往分駐稽查彈壓妥爲監放其所需經費銀二千兩卽著戶部照數撥給○允御史譚承祖奏請予節婦烈女石王氏等旌表○甲戌李鴻章等奏中江稅務監督歷年與朝鮮按季互市應徵稅課銀兩咨准盛京戶部查覆每年額徵正耗銀三千三百七兩零除該監督由耗羨內扣領鹽菜銀二百兩實交部庫銀三千一百七兩零現經臣等另片會奏請將中江稅務改歸東邊道督理一俟開辦自當責成該道按年照數解部以充額餉惟自去秋議准朝鮮水陸通商海禁大開該國商人前赴中江販運已不如從前踴躍現署中江稅務監督徵收本屆稅銀能否足額尙難懸定嗣後海船暢行陸路貨物難保不漸形短少中江稅課每年可收若干殊無把握應請改爲儘徵儘解以昭核實至東邊防務緊要臣崇綺等曾

於去冬將應添隊伍等情具摺陳明是籌備防餉尤爲當務之急等往返咨商所有中江稅課改歸東邊道徵收後如果徵不足額或僅能如額應令儘數解部以重庫款倘或徵有盈餘除照額解部外下餘銀兩應卽留充邊餉以資補苴而重防務下戶部議奏○乙亥諭光祿寺少卿延茂奏考試教習病弊日深亟宜規復舊章變通辦理及旗籍舉貢生員挑取漢文教習各摺片著禮部議奏○諭張之洞奏總兵呈請開缺終養一摺山西大同鎮總兵馬陞著准其開缺養親所遺員缺著張樹屏調補何鳴嵩著補授山西太原鎮總兵○以銜給紳爲湖北宜昌鎮總兵○內子左宗棠奏江陰南岸大石灣一帶礮臺逼近山坳潮濕太重其剝裂朽蝕之處尙須設法改修經前督臣劉坤一於巡閱江防摺內奏明在案查該處依山臨江濕氣本重於暗臺非宜現據籌防局司道會營勘議經臣飭將暗臺紅門全改明臺並將剝落之處分別修理本年七月二十二日風雨猛驟爲近數十年所未有致江陰南北岸圖山關南北岸象山焦山都天廟各處明暗礮臺各臺簷廊樑柱圍牆等類均有損壞業分飭趕緊修理並於圖山關南北岸各添建火藥庫一所以備收藏而期妥慎下部知之○丁丑鄧承修奏自軍興以來廣開倖門仕途冗要幾不足以激勵人才惟易名建祠之典尙不輕予朝廷所恃以激士氣勵官箴鼓舞天下之豪傑者惟此而已近則疆臣紛紛瀆請幾於無月不見雖經臣等參劾諭旨煌煌而膽玩如故昨閱邸鈔見督

臣李鴻章奏已故知府馬繩武勤政愛民據情代請附祀道路喧騰傳爲嬉笑查馬繩武起家小吏素行卑陋善於逢迎擢至道府歷署運司並無政績卽如該督所稱掩埋枯骨捐捨棉衣修葺文廟添設義塾諸舉皆地方應行之件其別無政績已可概見卽謂華洋交涉案件委曲調停此等虛勞則今日之巧宦藉以取富貴者皆優爲之何功之足云臣竊見該府丁憂哀啟所述督臣李鴻章培植翼卵之恩歷歷如繪無非卑鄙齷齪之語感恩私室幾忘其受祿公朝形諸啟牘之中尤爲無恥固宜督臣之有此舉也或謂紳士合詞籲請督撫據以代奏亦出於輿論之公似可無庸苛刻不知今日之巧宦身家已裕聲氣廣通何難結一二劣紳爲邀譽乞恩地步所謂聯名呈請者非本官之私暱卽子弟之營求況津郡爲海道通衢距都門咫尺其居官行事在人耳目間非若窮鄉遠徼僅一二紳士所能辨別其賢否也臣維馬繩武無救災憐恤勤事定國之勳祇以小惠私恩濫膺鉅典則貪夫巧宦不特可博富貴於生前直可享榮名於身後公論不符是非淆混何以風天下而示勸懲應請 旨將已故知府馬繩武附祀之典撤銷擬請嗣後臣工如有奏請建祠附祀者卽 飭下禮部會都察院公同核議分別准駁題覆候 旨施行並承著爲令以重 綸旨以昭公道 上諭給事中鄧承修奏已故知府不宜濫膺祀典一摺祠祀之典所以報功必實係政績卓著遺愛在民方足以協輿情而昭來許嗣後中外臣工務當詳核事宜不得濫



請其有奏請建立專祠及附祀者著禮部悉心核議分別准駁候旨施行鄧承修所請將已故知府馬繩武附祀撤銷之處卽著禮部議奏○以圖什業圖漢那遜紳分圖爲庫倫辦事大臣○是月英吉利國新簡駐華使臣巴夏禮抵任